




卷三百三之三
物異

伊 4
1046
84





特
74
1046
84

物異考

恒雨

鄱陽馬

端臨

貴與

義支
詢那
護

春秋魯隱公九年三月癸酉大雨震電庚辰大雨雪師古曰雨雪

大雨雨水也師古曰雨雪震雷也劉歆以為三月癸酉於歷

數春秋後一日始震電之時也當雨而不當大雨大雨恒雨之罰

也於始震電八日之間而大雨雪恒寒之罰也劉向以為周三月

今正月也當雨水雪雜雨雷電未可以發也既已發也則雪不當

復降皆失節故謂之異於易雷以二月出其卦曰豫師古曰坤言

萬物隨雷出地皆逸豫也以八月入其卦曰歸妹師古曰兌言雷

復歸入地則孕毓根核保藏蟄蟲師古曰毓字與育同核亦避盛

利
289
84

恒雨

陰之害出地則養長華實發揚隱伏宣盛陽之德入能除害出能
興利入君之象也是時隱以弟桓幼代而攝立公子翬見隱居位
已久勸之遂立師古曰公子翬魯大夫翬父也遂與桓共殺隱天見其將然故正月大雨
水而雷電是陽不閉陰出涉危難而害萬物天戒若曰為君失時
賊弟佞臣將作亂矣後入日大雨雪陰見間隙而勝陽篡殺禍將
成也公不寤後二年而殺

漢昭帝元始元年七月大水雨自七月至十月

成帝建始三年秋大雨三十餘日

四年九月大雨十餘日

王莽地皇元年九月大雨六十餘日

光武建武六年九月大雨連月昔稼更生鼠巢樹上

十七年洛陽暴雨壞民廬舍禾稼壓殺人

和帝永元十年十三年十四年十五年皆淫雨傷稼

安帝元年四年秋郡國十淫雨傷稼方備對策曰雨不時節妄賞賜也

末寧元年郡國三十三淫雨傷稼

建光元年京都及郡國二十九淫雨傷稼是時羗反久未平百姓

屯戍不解愁苦

延光元年郡國二十七淫雨傷稼按本傳陳忠奏以為王侯二千石為女使伯榮獨拜車下柄在

臣妾

二年郡國五連雨傷稼

順帝永建四年司隸荆豫兗冀部淫雨傷稼

六年冀州淫雨傷稼

桓帝延熹二年夏霖雨五十餘日是時大將軍梁冀秉政擅殺其

年冀伏誅

靈帝建寧元年夏霖雨六十餘日時大將軍竇武謀誅中官事泄為曹節等所害

熹平元年夏霖雨七十餘日時宦官曹節等諸殺渤海王悝

中平六年夏霖雨八十餘日時靈帝初崩大將軍何進等謀誅廢宦官中常侍張讓等共殺進兵戰京都死者數千

魏明帝太和元年秋數大雨多暴平雷電非常至殺烏雀時帝居喪不衰出入七獵無度奢侈繁興故恒雨為罰

四年八月大雨霖三十餘日伊洛河漢皆溢

吳孫亮太平二年二月甲寅大雨震電乙卯雪大寒按劉歆以為此時當雨而不當大雨劉向以為既已雷電則雪不當復降皆失時之異與春秋隱同其後亮卒見廢

晉武帝泰始六年六月大雨霖甲辰河洛伊洛水同時並溢流四千九百餘家般二百餘人沒秋稼千三百六十餘頃

大康五年七月任城梁國暴雨害豆麥九月南安郡霖雨暴雪樹木摧折害秋稼是秋魏郡西平郡九縣淮南平原霖雨暴水霜傷秋稼

惠帝永寧元年十月義陽南陽東海霖雨澆害秋麥

元帝太興二年春雨至于夏是時王敦執權不恭之罰也

永昌元年春四十餘日晝夜雷電震五十餘日是時王敦興兵王師敗績之應也

成帝咸和四年春雨五十餘日恒雷電是時雖斬蘇峻其餘黨猶據守石頭至其滅後淫雨乃霽

咸康元年八月乙丑荊州之長沙攸醴陵武陵之龍陽三縣雨水

淫漂屋室殺人損秋稼是時帝幼權在於下

梁武帝天監七年七月雨至十月乃霽時頗年與師諸軍頗捷而士卒疲弊百姓怨望陰氣畜積之應也

陳宣帝大建十二年八月大雨淫霖時始興王叔陵驕恣陰氣強盛之應也明年帝崩後主立叔陵作亂討平之

東魏武定五年秋大雨七十餘日元瑾劉思逸謀殺齊文襄之應也

後齊武成河清三年六月庚子大雨晝夜不息至甲辰山東大水人多餓死是歲突厥寇并州陰戎作梗之應

天統三年十月積陰大雨胡太后淫亂所感
武平七年七月大雨滌水滂人戶流亡時駱提婆韓長鸞等用事小人專政

後周武帝建德三年七月霖雨三旬時獨刺三直潛謀逆亂屬帝幸雲陽宮以其旆襲蕭章門尉遲暹逆拒破之其日雨霽

唐武德六年秋關中久雨火陽曰陽少陰曰雨陽德長則陰氣勝故常雨

貞觀十五年春霖雨
永徽六年八月京城大雨

顯慶元年八月霖雨更九旬乃止
開元二年五月壬子久雨滌京城門

十六年九月關中久雨害稼
天寶五載秋大雨

十二載八月久雨十三載秋大霖雨害稼六旬不止九月閉坊市北門蓋井禁婦人入街市祭玄冥太社禁明德門壞京城垣屋殆

盡人亦乏食

至德二載三月癸亥大雨至甲戌乃止

上元元年四月雨訖閏月乃止

二年秋霖雨連月漂竇生魚

永泰元年九月丙午大雨至于丙寅

大曆四年四月雨至于九月開坊市北門置土臺臺上置壇立黃燔以祈晴

六年八月連雨害秋稼

貞元二年正月乙未大雨至于庚子平地數尺雪上黃黑如塵

五月乙巳雨至于丙申特大飢至是麥將登復大雨霖衆心恐懼

十年春雨閏四月間止不過一二日

十一年秋大雨

十九年八月己未大霖雨

元和四年四月冊皇太子寧以雨霑服罷十月再擇日冊又以雨霑服罷近常雨也

六年七月霖雨害稼

十二年五月連雨八月壬申雨至于九月戊子十五年二月癸未

大雨八月又雨開坊市北門宋滄景等州大雨自六月癸酉至于

丁亥廬舍漂沒殆盡

寶曆元年六月雨至于八月大和四年夏鄆曹濮等州雨壞城郭

廬舍殆盡

五年正月庚子朔京城陰雪彌旬

開成五年七月霖雨葬文宗龍輅陷不能進

大中十年四月雨至于九月

成通九年六月又雨崇明德門

乾符五年秋大霖雨汾澮及河溢流害稼

廣明元年秋八月大霖雨

天復元年八月久雨

後唐同光三年六月至九月大雨江河決壞民田

清泰元年九月連雨害稼

周廣順二年七月暴風雨京師水深二尺諸州皆奏大雨

宋乾德六年六月州府二十三大大雨水江河泛溢壞民廬舍

開寶二年二月車馬駐潞州積雨累日未止 九月京師大雨霖

五年五月京師大雨連旬不止諸州皆言大雨霖

八年五月京師大雨水

九年三月京師大雨水秋又霖雨

太平興國五年五月京師連旬雨不止

雍熙三年八月京師大霖雨

淳化三年九月京師霖雨

四年七月京師大雨十晝夜不止

五年秋開封府宋亳陳穎泗壽鄧州雨水害稼

至道元年四月甲辰京師大雨雷電道上水數尺

二年廣南諸州並大雨水

咸平四年六月京師大雨漂壞廬舍積潦浸路

天禧四年七月京師連雨彌月甲子夜大雨流潦泛溢民舍軍營

自是頻雨及冬方止

乾興元年二月蘇湖秀三州雨壞民田

天聖四年六月庚寅京師大雨震雷平地水數尺 九月壬申京

東江淮閩浙諸州雨水

七年自春涉夏雨不止

嘉祐元年五月丁未晝夜大雨乙亥雨壞太社太稷壇自五月大雨不止水壞官私廬舍城中繫棧渡人

四年八月霖雨害稼

六年七月河北京西淮南江浙四路澁雨為災 閏八月京師又雨

治平元年京師自夏歷秋久雨不止真宗及穆獻懿三后陵墓為雨所摧

二年八月庚寅大雨地上湧水壞官私廬舍漂殺人畜不可勝數是日御崇政殿宰執而下朝參者十數人而已詔開西華門以洩宮中積水水奔激東殿侍班屋皆摧没人畜溺死宮為堊祭其無

主者千五百八十八

熙寧七年六月熙州大雨洮河溢陝州大雨漂溺陝平陸二縣

九年七月太原府汾河夏秋霖雨水大漲

元祐二年七月丁卯以雨罷集英殿宴

四年夏秋霖雨河流泛漲

八年自四月常雨至八月晝夜霖霖畿內及諸路大水詔開京師宮觀五日所在令長吏祈禱宰臣呂大防等待罪

紹聖元年七月京畿久雨諸路水害稼

二年六月久雨九月以久雨罷秋宴

三年七月久雨哲宗大異舉在道陷泥中

建中靖國元年二月久雨

崇寧元年七月久雨壞京城廬舍民多壓溺死

三年六月夕雨

四年五月京師夕雨又自七月至九月所在霖雨傷稼十月始霽
宣和元年五月大雨水驟高十餘丈

六年秋京畿常雨河北兩浙水災民多流移

靖康元年四月京師六雨天氣清寒又自五月甲申至六月暴雨
傷麥夏行秋令

建炎二年春霪雨 十二月上至杭州夕陰霖雨占曰陰盛下
有陰謀時苗劉為逆後五十日伏誅 五月霖雨夏寒

紹興元年行都雨壞城三百八十丈是歲婺州雨亦敗城郭

三年雨自正月元日至二月恤刑七月四川霖雨至于越歲
正月上謂張浚久屯繁調所致成以無民

四年六月霪雨害稼蘇湖二州為甚乙未九月夕雨時逆豫墮

五年三月霖雨傷蠶麥行都雨甚庚子慮獄九月雨至于明年
正月賑都民者再

七年十月上如建鄴夕雨
八年三月積雨至于四月傷蠶麥害稼

二十一年夏襄陽府大雨十餘日
二十三年六月大雨壞軍壘民田辛酉予縉獨賦

三十年五月辛卯大風雨語在水傳
三十一年四月夕雨傷蠶麥害稼

三十二年六月浙西大霖雨
隆興元年三月霖雨行都壞城郭三百三十餘丈

二年六月霪雨沉陰 七月浙西江東大雨霖傷稼 八月風雨

霖淫逾月

乾道二年正月淫雨至于四月夏寒江浙郡國損稼蠶麥不登

三年八月霖雨妨穡江浙淮閩禾麻菽粟多腐

四年四月陰雨彌月
六年五月連雨六十餘日至十一月連雨辛巳郊開雲于園立百步外有霰雨

八年四月四川陰雨七十餘日 六月壬寅大雨徹晝夜至于巳酉為災

九年閏正月淫雨

淳熙三年五月淮浙積雨損禾麥 八月浙東西江東連雨 癸未甲申行都大風雨 九月久雨妨穡

六年九月連雨巳巳將郊而霽

八年四月雨傷禾麥 五月久雨敗首種

十一年四月淫雨

十二年五月六月皆霖雨

十五年五月荆淮郡國連雨

十六年五月浙西湖北福建淮東利西諸道大雨霖

紹興元年春久陰連雨至于三月

二年四月福建路霖雨至五月 七月利路久雨傷種麥 八月

行都久雨

三年五月江東湖北路連雨 七月淮西鎮江襄陽兩害禾麥

四年四月霖雨至于五月浙東西江東湖北淮西郡縣壞圩田害

蠶麥蔬種

五年八月霖雨浙東西北皆害稼 九月雨至于十月江東福建

皆苦雨

慶元元年正月霖雨 二月又雨至三月旱麥 五月霖雨 七月雨至八月

二年八月行都霖雨五十餘日

三年七月雨連月

五年五月行都雨壞城夜壓附城民廬多死者 六月浙東霖雨至于八月

嘉泰二年六月福建路連雨至于七月

三年八月久雨

開禧元年七月利路霖雨敗稼 十月行都淫雨至明年春三月

嘉定三年三月陰雨六十餘日 五月潦雨至于六月首種多敗

蘇麥不登

四年八月霖雨至于九月

五年春淫雨至于三月傷蠶麥 十一月雨墜積陰至于明年春

二月霖雨 五月霖雨陰沉 浙東西六月雨至于七月

七年九月陰雨至于十月害禾麥

九年四月霖雨 六月大雨霖二十餘日浙東西郡縣為災

十年三月連雨至于四月 十月霖雨敗穡

十一年六月浙西大霖雨

十二年六月霖雨彌月

十五年七月浙東西霖雨為災

十六年五月霖雨浙西湖北江東淮東尤甚 八月大風雨敗稼

十七年八月霖雨

甘露

漢宣帝甘露元年甘露降

後漢光武建武十二年夏甘露降

中元元年郡國頻上言甘露降

明帝永平十七年正月甘露降於甘陵

章帝建初四年甘露降泉陵洮陽二縣

安帝延光三年四月壬戌沛國言甘露降豐縣七月馮翊言甘露

降潁陽衙

延熹元年上郡言甘露降

魏高貴鄉公甘露元年五月鄴及上谷並言甘露降

陳留王咸熙二年四月南深澤縣言甘露降

吳孫權黃武二年曲阿言甘露降

嘉禾五年武昌言甘露降於禮賓殿

去為二年零陵言甘露降

九年武昌言甘露降

孫皓甘露元年四月蔣陵言甘露降遂改元

陳宣帝本建七年甘露頻降樂游苑立甘露亭

魏太武太延元年甘露降於殿內

唐武德九年四月甘露降於中華殿之桐樹法如水雪以示羣臣

貞元十年正月西川奏當管甘露降松栢樹竹叢等二千四百四

十二處

蜀太建元年嘉陽諸州言甘露降

宋乾德四年二月長春節甘露降江陵府報恩院連十日霏微如

烟霧漬栢葉皆甘

太平興國三年正月甘露降壽州解色如琥珀徧覆庭檜

端拱二年二月甘露降壽州解園栢及資聖寺檜狀若華鵝色如疑脂

咸平元年富順監有甘露降梅柳霏灑如珠

景德元年九月甘露降桂州永寧縣桐樹如稻米色白

按三朝國史有符瑞志內述甘露自乾德而後州縣所上甚多咸平以來尤甚幾無歲無之此姑著其一二云

熙寧元年距元豐八年天下言甘露降凡二十餘處元祐元年距元符三年亦如之

建中靖國元年距宣和七年中外言甘露降多不可紀其尤著者大觀初降于九城宮帝鼎室三年冬降于尚書省及曹御製七言四韻詩賜執政以下其後內自禁中及宣和殿延福宮神霄宮下至三學開封府大理寺宰臣私第皆有之歲歲拜表稱賀

天雨異物

春秋文公三年秋雨螽于宋公羊傳雨者何墜而死也穀梁傳著於上見於下謂之雨詳見龜

顯王三年雨金于櫟陽言兩金于秦國都明金瑞見也

赧王三十一年齊千乘博昌之間方數百里雨血沾衣時燕昭王

伐齊齊湣王出奔為楚將淖齒所殺

漢惠帝二年天血雨於宜陽一頃所詳見赤青

元帝永光二年八月天雨草詳見草妖

成帝鴻嘉四年秋雨魚于信都長五寸以下

哀帝建平四年山陽湖陵雨血廣三尺長五尺大者如錢小者如

麻子

平帝元始元年正月天雨草詳見草妖

後漢桓帝建和三年秋七月北地廉肉似羊肋肋骨也或大如手

晉武帝泰始八年五月蜀地兩白毛詳見白

永康元年尉氏兩血

建興元年河東地震兩肉 劉聰時平陽星墜為肉長三十步詳各

見赤

隋開皇六年七月京師兩毛如髮尾長者三尺餘短者六七寸詳見

青

十二年空中有物聞而墜如羝羊詳見羊

後齊河清二年太原兩血

梁大同元年天兩土

二年天兩灰其色黃

太寶元年天兩黃沙詳見黃

後周大象二年正月天兩黃土

隋開皇二年京師兩土名見黃

唐武德初突厥兩血三日

垂拱三年廣州兩金

四年兩桂子于台州旬餘乃止占曰天兩草木人多死

神龍二年越州兩毛

貞元四年兩木于陳留十里許大如指長寸餘中空所下立如植

詳見木不是歲大雨有物墮地如猪詳見豕

助直門 二十七年兩赤雪于京師

乾符二年洛陽因暴雨有物墮地如羝羊詳見羊

貞觀七年三月永徽三年三月景龍元年六月十二月天寶十三

載二月大曆七年十二月貞元二年四月八年二月開成元年七

月

月咸通十四年三月中和二年五月天復三年二月天祐元年閏四月俱雨土

光啓二年揚州雨魚

宋淳化三年正月京師雨土

熙寧元年三月丁酉潭州雨毛

八年五月丁丑雨黃土燕細毛

元豐三年六月己未饒州長山雨水子數畝狀類山芋子味香而

辛土人以為桂子又曰菩提子明道中嘗有之是歲大稔

五年三月己巳六年四月辛未雨土

元祐七年正月天雨塵土主民勞苦

宣和元年三月雨土

紹興二十六年七月雨水銀

文獻通考卷之三百三

文獻通考卷之三百四

鄱陽 馬 端臨 貴興 著

物異考

恒陽

春秋僖公二十一年夏大旱董仲舒劉向以為齊桓既死諸侯從

僖尤得楚心外倚強楚炕陽失衆又作南門勞民興役諸雩旱

不雨略皆同說

宣公七年秋大旱是夏宣與齊侯伐萊

襄公五年秋大雩先是楚伐宋取彭城鄭畔中國附楚襄與諸侯

共圍彭城城鄭堯牢以禦楚有炕陽動衆之應

八年九月大雩時作三軍李氏盛

二十八年八月大雩先是比年晉使荀吳齊使慶封來聘是夏鄭

子來朝翼有炕陽自大之應

昭公三年八月大雩劉歆以為昭公居喪不哀炕陽失衆

六年九月大雩時魯言連兵有炕陽動衆之應

十六年九月大雩先是昭公國夫人歸氏薨昭不感與三年同占

二十四年八月大雩時魯襲邾師邾愬于晉晉執我行人叔孫婼

二十五年七月上辛大雩季辛又雩旱甚也劉歆以為時后氏與

季氏有隙公信讒伐季氏為所敗出奔齊

定公十年九月大雩時公侵鄭城中城圍鄭

莊公三十一年冬不雨是歲一年而三築臺奢侈不恤民

僖公二十年冬十月不雨三年春正月不雨夏四月不雨六月兩

時南敗邾東敗莒有炕陽之應

文公二年自十二月不雨至于秋七月文公即位天子使叔服會

聖毛伯賜命又會晉侯于戚公子遂如齊納幣又與諸侯盟上得

天子外得諸侯沛然自大躋僖公主大夫始顓事謂季孫行父也

十年自正月不雨至于秋七月先是公子遂會四國而救鄭楚使

越椒來聘秦人歸隄有炕陽之應

十三年自正月不雨至于秋七月先是曹伯杞伯滕子來朝邾伯

來奔秦伯使遂來聘季孫行父城諸及鄆二年之間五國趨之內

城二邑炕陽失衆一曰不雨而五穀皆熟異也文公特大夫始專

盟會公孫敖會晉侯又令諸侯盟于垂隴故不雨而生者陰不出

氣而私自行以象施不由上出臣下作福而私自成一曰不雨近

常陰之罰君弱也

秦始皇十二年天下大旱六月至八月乃雨

漢惠帝五年夏大旱江河水少谿谷絕先是發民男女十四萬六

千人城長安是歲城乃成

文帝三年秋天下旱是秋匈奴寇邊發兵擊之出塞其秋濟北王與君反討平之 後六年天下大旱時匈奴大入上郡雲中烽火通長安遣三將軍屯邊又三將軍屯京師 九年春大旱

景帝中三年秋大旱後二年秋大旱

武帝建元四年六月旱

元光六年夏大旱是歲四將軍征匈奴

元朔五年春大旱是歲六將軍衆十餘萬征匈奴

元狩三年夏大旱是歲發天下故吏伐棘士林穿昆明池

元封六年秋大旱

天漢元年夏大旱其三年夏大旱先是貳師將軍征大宛還三將軍征匈奴李陵沒不還

征和元年夏大旱是歲始治巫蠱明年衛皇后太子敗

昭帝元始六年大旱先是大鴻臚曰廣明征益州暴師連年

元鳳五年夏大旱

宣帝本始元年夏大旱東南數千里先是五將軍衆二十萬征匈奴

神爵元年秋大旱是歲後將軍趙充國征西羌

建始元年二年大旱

成帝永始三年四年夏大旱

建平四年春大旱

後漢世祖建武三年七月洛陽大旱

五年夏旱京房易傳曰欲德不用茲謂張厥災荒其旱陰雲不雨

變而赤因四陰衆出過時茲謂廣其旱不生上下皆蔽茲謂隔其
 旱天赤三月時有電殺飛禽上緣求妃茲謂僭其旱三月大温亡
 雲君高臺府茲謂犯陰侵陽其旱萬物根死有火災廢位踰節茲
 謂僭其旱澤物枯為火所傷春秋考異曰國大旱冤獄結旱者
 氣亂感天則旱微見又云陰厭陽移君淫民惡陰精不舒陽縮不
 施又云陽縮民怨微也在所以感之者上奢則求多則下竭
 下竭則漬君不仁管子曰春不收枯骨伐枯木而起去之則夏旱
 方儲對策曰百姓苦士卒頽碎責袒脫失中暴師外營經歷三時
 內有怨女外有曠夫王莽者熱惟其祥於合於天圖之事情旱災可
 除夫旱者過曰天王無意於百姓恩德不行萬民頽廢故天應以
 澤無是時天下僭逆者未盡誅軍多過時古今注曰建武六年六月
 一年八月明帝永平元年五月八年冬十
 一年八月十三年八月十八年三月並旱

章帝章和土年夏旱時章帝崩後竇太后兄弟用事奢僭古今注
 二年夏旱維陽旱四年夏元和元年春並旱按揚終傳建初元年大
 旱穀貴終以為廣陵楚淮陽濟南之欲徙者數萬人吏民怨憤上
 曰臣聞為不善而災報得其所也為善而災至遭特運也陛下
 湯之旱因自責省政散積減御損食而大有年意者陛下未為成
 日雨即降轉拜黃門郎典東觀事

和帝永元六年秋京師旱時維陽有冤囚和帝幸維陽寺錄囚徒
 理冤囚收令下獄抵罪行未還宮澍雨降古今注曰永元二年郡
 郡國二十二並旱或傷稼安帝古注曰永初元年郡國八旱分
 遣議即請兩按本紀二年五月旱皇太后幸維陽寺錄囚徒即日
 大雨六月京師及郡國四十
 大水維云旱得水無救為災

永初六年夏旱古今注曰三年郡國
 八四年五年夏並旱
 七年夏旱

元初元年夏旱

二年夏旱三年夏旱時西卷寇亂
 軍也相繼連十餘年

六年夏旱古今注曰建元元年郡國四旱
 延光元年郡國五並旱陽稼

順帝永建三年夏旱

五年夏旱

陽嘉二年夏旱時李固對策以為奢僭所致也臣照按本紀元年

傳人君恩澤不施於民祿去公室臣下專權所致也又周舉傳三年河南三輔大旱五穀傷災天子親自露坐德陽穀東相請雨

冲帝永嘉元年夏旱時冲帝幼崩太尉李固勸太后及兄梁冀立

嗣帝擇年長有德者天下賴之則功名不朽年幼未可知如後不

善悔無所及時太后及冀貪立年幼欲久自專遂立質帝八歲此

不用德古今注曰本初元年二月京師旱

桓帝元嘉元年夏旱是時梁冀秉政妻子並受封寵踰節

延熹元年六月旱京房占曰入君無施澤惠利於下則致旱也不

勞功吏賜蠲寡庶不足按陳蕃上疏言女

靈帝熹平五年夏旱蔡邕作伯夷叔齊碑曰熹平五年天下大旱

威夢改首賜有祥馬之使在道明覽而思之以其夢狀上聞天子開三府請雨使者與郡縣尹曹掾吏登山井祠手書要曰君况

六年夏旱

光和五年夏旱

六年夏旱是時常侍黃門僭作威福

獻帝興平元年秋長安旱是時李傕郭汜專權縱肆獻帝起居注

年夏四月旱

魏明帝太和二年五月大旱元年已來崇廣官府之應也又是春

宣帝擢孟達張郃破諸葛亮斃馬謖亢陽自大又其應也

太和五年三月自去冬十月至此月不雨辛巳大雪

齊王正始元年二月自去冬十二月至此月不雨去歲曹爽白帝

轉宣帝為太傅外示尊崇內實欲令事先由已時宣帝功蓋魏朝

欲德不應之驗也

高貴鄉公甘露三年正月自去秋至此月旱時文帝圍諸葛誕衆出過時之應也初壽春秋夏常雨淹城而此旱踰年城陷乃大雨咸以誕為天亡

吳孫權嘉禾四年自十月不雨至于夏

孫亮五鳳二年大旱百姓飢是年征役煩興軍士怨叛此亢陽自大勞役失衆之罰也其後彌歲故旱亦竟年

孫皓寶鼎元年春夏旱時皓遷都武昌勞役動衆之應

晉武帝泰始七年五月閏月旱大雩

八年五月旱是時帝納荀勗邪說留賈充不復西鎮而任愷漸疎上下皆蔽之應也及李熹魯芝李胤等並在散職近厥德不用之謂也

九年自正月旱至于六月祈宗廟社稷山川癸未雨

十年四月旱去年秋冬採擇卿校諸葛冲等女是春五十餘人入殿簡選又取小將吏女數十人母子號哭於宮中聲聞于外行人悲酸是殆積陰生陽上緣求如之應也

咸寧二年五月旱大雩至六月乃澍之成反又音澍雨

太康二年旱自去冬至此春

三年四月旱乙酉詔司空齊王攸與尚書廷尉河南尹錄訊繫囚事從蠲宥

五年六月旱此年正月天陰解而復合劉毅上疏曰必有阿黨之臣姦以事君者當誅而不赦也帝不答是時荀勗馮統僭作威福亂朝尤甚

六年三月青梁幽冀郡國旱六月濟陰武陵旱傷麥

七年夏郡國十三大旱

八年四月冀州旱

九年夏郡國三十三旱扶風始平京兆安定旱傷麥

十年二月旱

太熙元年三月旱自太康已後雖正人滿朝不被親仗而賈充荀勗楊駿馮紇等迭居要重所以無年不旱者欲德不用上下皆蔽庶位踰節之罰也

惠帝元康七年七月秦雍二州大旱疾疫關中飢米斛萬錢因此氏羗反叛雍州刺史解系敗績而飢疫荐與游同臻戎晉並因朝廷不能振詔聽相曹壽其九月郡國五旱

永寧元年自夏及秋青徐幽并四州旱十二月又郡國十二旱是年春三王討趙王倫六旬之中數十戰死者十餘萬人

懷帝永嘉三年五月大旱襄平縣梁水淡池竭河洛江漢皆可涉是年三月司馬越歸京都遣兵入宮中書令繆播等九人殺之皆僭踰之罰也又四方諸侯多懷無君之心劉元海石勒王彌李暹之徒賊害百姓流血成泥又其應也

五年自去冬旱至此春去歲十一月司馬越以行臺自隨斥黜官衛無君臣之節

愍帝建武元年六月揚州旱去年十二月淳于伯寃死其年即旱而太興元年六月又旱于寶曰殺淳于伯之後旱三年是也刑罰妄加群陰不附則陽氣勝之罰也

元帝太興四年五月旱是時三敦陵僭已著

永昌元年夏大旱是年三月王敦有石頭之變二宮陵辱大臣誅死僭踰無上故旱尤甚也其閏十一月京都大旱川谷並竭

明帝大寧三年自春不雨至于六月

成帝咸和元年夏秋旱是時庾太后臨朝稱制言不從而僭踰之罰也

二年夏旱

五年五月大旱

六年四月大旱

八年秋七月旱

九年自四月不雨至于八月

咸康元年六月旱是時成帝冲弱未親萬機內外之政決之將相此僭踰之罰連歲旱也至四年王導固讓大傅復子明辟是後不旱殆其應也時天下普旱會稽餘姚特甚米斗直五百人有相鬻者

二年三月旱

三年六月旱時王導以天下新定務在遵養不任刑罰遂盜賊公行頻五年亢旱亦舒緩之應也

康帝建元元年五月旱

穆帝永和元年五月旱是時帝在檢綵褚太后臨朝如明穆太后故事

五年七月不雨至于十月

六年夏旱

八年夏旱

九年春旱

升平三年冬大旱

四年冬大旱

哀帝隆和元年夏旱是時桓溫彊恣權制朝廷踰僭之罰也

海西公太和元年夏旱

四年冬旱涼州春旱至夏

簡文帝咸安二年十月大旱飢自永和至是嗣主幼冲桓温廢
用兵征伐百姓怨苦

晉武帝寧康元年三月旱是時桓温入覲高平陵闔朝致拜踰階
之應也

三年冬旱

太元四年夏大旱

八年六月旱

十年七月旱飢初八年破苻堅九年諸將略地有事徐豫楊亮趙
統攻討巴河是年正月謝安又出鎮廣陵使子琰進次彭城頓有
軍役

十三年六月旱去歲北府遣成胡陸荊州經略河南是年夏郭
置戍野王又遣軍破黃淮

十五年七月旱

十六年秋旱至冬是時烈宗仁恕信任會稽王道子政事舒緩又
茹千秋為驃騎諮議切弄主相威福又立尼乳母親黨及伴僕之
子階緣近習臨部領衆又所在多上春竟囚不以其辜建康獄吏
枉暴既甚此又僭踰不從寬濫之罰

文帝隆安二年冬旱寒甚四年五月旱

五年夏秋大旱十二月不雨時孫恩作亂桓玄疑貳迫殺殷仲堪
而朝廷即授以荊州之任司馬元顯又諷百僚悉使敬已內外騷
動兵甲煩興此皆陵僭憂愁之應也

元興元年七月大飢九月十月不雨泉水涸

二年六月不雨冬又旱時桓玄奢僭十二月遂篡位
三年八月不雨

義熙四年冬不雨

六年九月不雨

八年十月不雨

九年秋冬不雨

十年九月旱十二月又旱并瀆多竭是時軍役煩興

宋文帝元嘉八年夏六月旱大雩

二十八年三月大旱

孝武大明八年冬諸郡大旱甚者米一斗數百都下亦至百餘錢
餓死者十六七

梁武帝天監元年大旱米斗五十人多餓死共斃五行傳曰君持
兗陽之節與師動衆勞人過度故旱災應初帝起兵襄陽破張冲

賊陳伯之及平建康前後連戰百姓勞敝及即位後復與魏交兵
不止之應也

簡文帝大寶元年夏大旱人相食都下尤甚

陳宣帝大建十二年春不雨至四月先是周師掠淮北始興王叔

陵等諸軍敗績淮地皆沒于周是其應也

後魏孝文太和十五年自正月不雨至于四月

宣武景明四年旱

正始元年旱

永平二年旱

三年冀定二州旱

延昌元年自二月不雨至五月

孝明神龜元年自正月不雨至六月
正光二年旱

孝靜帝天平二年大旱

東魏天象四年并肆汾建晉絳秦陝等諸州大旱人多流散是歲
齊神武與西魏戰於沁苑敗績死者數萬

東魏武定二年冬春旱先是西魏師入洛陽神武親帥軍大戰於
芒山死者數萬

後齊天保九年夏大旱先是大發卒築長城四百餘里勞役之應
也

乾明元年春旱先是發卒數十萬築金鳳聖應崇光三臺窮極後
麗不恤百姓亢陽之應也

河清二年四月并晉已酉五州旱是歲發卒築關突厥二十萬
穀毀長城冠恒州

後主天統二年春旱是時大發卒起大明宮

隋開皇四年已後京師頻旱時遷都龍首建立宮室百姓勞弊亢
陽之應也

大業四年燕代緣邊諸郡旱時發卒百餘萬築長城帝親巡塞表
百姓失業道殣相望

八年天下旱百姓流亡時發四海兵帝親征高麗六軍凍餓死者
十八九

十三年天下大旱時郡縣鄉邑悉遣築城發男女無少長皆就役

唐武德三年夏旱至于八月乃雨
四年自春不雨至于七月雨少陰之氣其氣毀則不雨少陰者金
也金為刑為兵刑不辜兵不戢則金氣毀故常為旱火為盛陽陽

文獻卷之三十四
物異類
十一
氣強悍故聖人制禮以節之禮失則僭而驕炕以導盛陽人勝則
金衰故亦旱於五行土實制水土功興則水氣壅闕又常為旱天
官有東井主水事天漢天江亦水祥也水與火仇而受制于土土
火謫見若日蝕過分而未至與七曜循中道之南皆旱祥也

七年秋關內河東旱

貞觀元年夏山京大旱

二年春旱

三年春夏旱

四年春旱自太上皇傳位至此而比年水旱

九年秋劔南關東州二十四旱

十二年吳楚巴蜀州二十六旱冬不雨至于明年五月

十七年春夏旱

二十一年秋陝絳蒲瓊等州旱

二十二年秋開萬等州旱冬不雨至于明年三月

永徽元年京畿雍同絳等州十旱

二年九月不雨至于明年二月

四年夏秋旱光發滁潁等州尤甚

顯慶五年春河北州二十二旱

總章元年京師及山東江淮大旱

二年七月劔南州十九旱冬無雪

咸亨元年春旱秋復大旱

儀鳳二年夏河南河北旱

三年四月旱

永隆二年關中旱霜大飢

文獻卷之三十四

物異類

三

永淳元年關中大旱飢

二年夏河南河北旱

永昌元年三月旱

神功元年黃隋等州旱

又視元年夏關內河東旱

長安二年春不雨至于六月

三年冬無雪至于明年二月

神龍二年冬不雨至于明年五月京師山東河北河南旱飢

太極元年春旱七月復旱

開元二年春大旱

十二年七月河東河北旱帝親禱兩宮中設壇席暴立三日九月

蒲同等州旱

十四年秋諸道州十五旱

十五年諸道州十七旱

十六年東都河南宋亳等州旱

二十四年夏旱

永泰元年春夏旱

二年關內大旱自三月不雨至于六月

大曆六年春旱至于八月

建中三年自五月不雨至于七月

興元元年冬大旱

貞元元年春旱無麥苗至于八月旱甚灑澁將竭井皆無水

六年春關輔大旱無麥苗夏淮南浙西福建等道大旱井泉竭人

暍且疫死者甚衆

七年揚楚滁壽澧等州旱

十四年春旱無麥

十五年夏旱

十八年夏申光蔡州旱

十九年正月不雨至七月甲戌乃雨

永貞元年秋江浙淮南荆南湖南鄂岳陳許等州二十六旱

元和三年淮南江南江西湖南廣南山南東西皆旱

四年春夏大旱秋淮南浙西江西江東旱

七年夏揚潤等州旱

八年夏同華二州旱

十五年夏旱

寶曆元年秋荆南淮南浙西江西湖南又宣襄鄂等州旱

太和元年夏京畿河中同州旱

六年河東河南關輔旱

七年秋大旱

八年夏江淮及陝華等州旱

九年秋京兆河南河中陝華同等州旱

開成二年春夏旱

四年夏旱浙東尤甚

會昌五年春旱

六年春不雨冬又不雨至明年二月

大中四年大旱

咸通二年秋淮南河南不雨至于明年六月

九年江淮旱

十年夏旱

十一年夏旱

廣明元年春夏大旱

中和四年江南大旱飢人相食

景福二年秋大旱

光化三年冬京師旱至于四年春

宋建隆二年京師夏旱冬又旱

三年京師春夏旱河北大旱霸州苗皆焦仆又河南河中府孟澤

濮鄆齊濟澶滑延隰宿等州並春夏不雨

四年京師夏秋旱又懷州旱

乾德元年冬京師旱

二年正月京師旱夏不雨冬無雪是歲河南府陝魏麟博靈州旱

河中府旱甚

四年春至夏京師不雨江陵府華州連水軍旱

五年正月京師旱秋復旱冬無雪

開寶元年冬京師無雪

二年夏至七月京師不雨

三年春夏京師旱冬無雪邠州夏旱

五年春京師旱冬又旱

六年冬京師旱

七年京師春夏旱冬又旱河南府晉解州夏旱滑州秋旱

八年春京師旱是歲關西飢旱甚

太平興國二年正月京師旱

三年春夏京師旱

太平興國三年

初吳芳

五

四年冬京師旱

七年春京師旱孟統絳密瀛衛曹滑州旱

九年夏京師旱秋江南大旱

雍熙二年冬京師旱

三年冬京師旱

四年冬京師旱

端拱二年五月京師旱秋七月至十一月早上憂形於色蔬食致禱十歲河南登萊深冀旱甚民多飢死詔發倉粟貸之人五十
淳化元年正月至四月不雨京師民飢上蔬食祈雨河南鳳翔大名京兆府許滄單故乾鄭同州旱

二年春京師大旱蝗冬復大旱是歲河南北河東陝西及亳建淮陽等三十六州軍旱

三年夏京師不雨河南府許汝亳滑商州旱

五年六月京師旱疫遣太醫和藥救之

至道元年京師春旱冬無雪

二年春夏京師旱冬無雪

咸平元年春夏京畿旱又江浙淮南荆湖四十六州軍旱

二年春京師旱甚又廣南西路江浙荆湖及曹單嵐州淮陽軍旱

三年春京師旱江南頻年旱歉多疾疫

四年京畿正月至四月不雨

景德元年京師夏旱人多暍死

三年夏京師旱

大中祥符二年春夏京師旱河南府及陝西路潭邢州旱

三年夏京師江南路及宿潤州旱

八年春京師旱

九年秋京師旱又大名府澶州旱

天禧元年京師春旱秋又旱夏陝西旱

四年春利州路旱夏京師旱

五年冬京師旱

天聖二年春不雨 八月辛未開封府言陽武等一十三縣大旱
傷苗

六年四月不雨

明道元年畿縣久旱傷苗

明道二年南方大旱種餉皆絕人多流亡因飢成疫死者十二三
官作粥藥以飼之得食輒死

寶元元年益州路自夏至秋不雨兩蜀大旱

四年春京師及諸路久不雨

七年正月京師不雨

皇祐三年恩冀諸州旱

嘉祐五年梓州路夏秋不雨

七年春旱

治平元年春京師踰時不雨鄭滑蔡汝潁亳曹濮洛磁晉耀登等
州河中府變成軍旱

二年春不雨

熙寧二年三月旱甚

三年畿內及諸路旱八月衛州旱

五年五月北京自春至夏不雨

七年自春至夏河北河東陝西京東西淮南諸路久旱 九月諸

路復旱時新復洮河亦旱羗戶多殍死

八年四月真定府旱八月淮南兩浙江南荆湖等路旱

九年八月河北京東西河東陝西旱

十年春諸路旱

元豐二年春河北陝西京東西諸路旱

三年春西北諸路旱

五年春旱

六年夏畿內旱

八年旱

元祐二年春旱

三年秋諸路旱京西陝西尤甚

四年春京師及東北旱

五年旱

八年秋旱

紹聖元年春旱

三年江東大旱溪河涸竭

四年夏兩浙旱

元符元年東南旱

二年春京畿旱

建中靖國元年衢信等州旱

大觀三年淮南江東西諸路大旱六月不雨至于十月

政和元年淮南旱

三年江東旱疫

宣和元年淮南秋旱

四年東平府旱

五年夏秦鳳路旱是歲燕山府路旱

建炎二年夏旱少陰之氣毀則不雨少陰者金也金為刑為兵刑不辜兵不戢則金氣毀故為旱水盛陽也陽氣強悍故聖人制禮以節之禮失則僭而驕炕以導盛陽火勝則金衰故亦旱土實制水土功興則水氣壅闕亦為旱天官有東井主水天漢天江亦水祥也水興火仇而受制於土土火謫見若日蝕過分而未至與七曜循中道之南皆旱祥也

紹興二年常州大旱

三年四月旱至于七月

五年五月浙東西旱五十餘日

六月江東湖南旱

秋四川旱

六年夔夔成都郡縣及湖南衡州皆旱

七年春旱七十餘日六月又旱

八年冬不雨

九年六月旱六十餘日

十一年七月旱

十二年三月旱六十餘日

秋京西淮東旱

十八年浙東西旱

二十九年二月旱七十餘日

秋江浙郡國旱

三十年春階成鳳西和州旱

秋江浙郡邑旱浙東尤甚

隆興元年江浙郡縣旱京西大旱

二年台州春旱興化軍漳州大旱首種不入自春至于八月

乾道三年春四川郡縣旱至于秋七月綿劍漢州石泉軍尤甚

四年六月旱襄陽隆興建寧俱旱

五年夏秋淮東旱盱眙淮陰為甚

六年夏浙東福建路旱温台福漳建甚

七年春江東南湖南北淮南浙婺秀州皆旱至于夏秋江洪筠潭

饒南康興國臨江尤甚首種不入冬不雨

九年浙東婺屬温台州江西吉贛臨江南安湖北江陵府皆久旱

無麥苗

淳熙元年浙東湖南郡縣旱台處郴桂為甚蜀關外四州旱

二年秋江浙淮皆旱紹興鎮江寧國建康常和滁真陽盱眙廣德

為甚

三年夏浙西常昭復隨鄞金洋州江陵德安興元荆門漢陽皆旱

四年春襄陽旱首種不入

五年浙西鎮江常州蜀綿州及淮南江東西旱

六年衛水楚高郵旱

七年湖南旱諸道自四月不雨行都自七月不雨皆至九月越台

婺常潤秀隆興興國臨江江筠撫吉饒信徽池建康南康舒蘄黃

和無為潭衛水江陵皆大旱

八年正月甲戌積旱始雨七月不雨至于十一月越婺衢嚴湖常

臨安鎮江江陰建康饒信徽南康廣德興國江陵德安鄂復漢陽

信陽荆門昌長寧京西淮郡皆旱徽楚嚴越尤甚

九年五月不雨至于七月潤婺慶温洪吉撫筠袁臨江建昌江陵

德安潭鄂復漢陽荆門信陽恭合昌普資渠利閬忠涪萬梁山南

平廣安襄陽皆旱

十年六月旱至于七月江淮建康和興國恭涪瀘合金南平旱

十一年四月不雨至于八月吉甯建昌福泉汀漳潮梅循邕賓象

興元金洋西和皆旱吉興元尤甚冬不雨至明年二月

十四年五月旱臨安鎮江嚴常湖秀紹興衢婺處明台饒信隆興

江吉撫筠袁臨江興國建昌皆旱

十五年舒州旱

紹熙元年重慶蘄州池州旱

二年五月真揚通泰楚滁和高郵盱眙及蜀普隆涪渝遂富順監

皆旱簡資榮州大旱

三年夏郢揚和三州大旱秋簡資普榮叙隆富順監復大旱

四年綿州大旱亡麥簡資普榮合州廣安軍旱江浙自六月不雨

至于八月發台信鎮江江陵江西淮東旱

五年浙東西自去冬不雨至于夏秋常秀鎮江江陰大旱淮東西

旱瀘和濠楚為甚江西七郡秋旱

慶元三年潼利夔路十五郡旱自四月至于九月金蓬普州大旱

六年四月旱常州鎮江府大旱水竭淮郡自春無雨首種不入及

京襄皆旱

嘉泰元年夏五月旱浙西郡縣及蜀郡十五日大旱

二年春旱至于夏秋浙西湖南江東旱常秀潭永鎮江建康為甚

四年五月不雨至七月浙東江西旱

開禧元年夏浙東西不雨百餘日衢婺嚴越大旱鼎豐忠涪亦旱

二年南康軍江西湖南北旱

三年二月不雨

嘉定元年夏旱至七月乃雨

二年四月旱首種不入至七月乃雨浙西大旱常潤為甚淮東西江東湖北皆旱

四年資昌普合州旱

六年五月不雨至七月江陵德安漢陽旱

八年春旱首種不入至八月乃雨江浙淮閩皆旱衢婺温台明徽池真太平建康寧國廣德興國南康盱眙安豐為甚

十年七月不雨

十一年秋不雨至于冬淮郡及常州鎮江建康江陰廣德旱蔬麥皆枯

十四年浙閩廣旱明台衢婺温福為甚江西旱贛吉建昌為甚

十五年五月不雨至七月贛州大旱

十六年五月不雨岳州旱

恒燠

春秋桓公十五年春亡水劉向以為周春今冬也

成公元年二月無水

襄公二十八年春無水說曰水旱之災寒暑之變天下皆同故曰無水天下異也桓公殺尼弒君外成宋亂與鄭易邑背叛周室成

公時楚橫行中國王札子殺召伯毛伯晉敗天子之師于貿戎天

子皆不能討襄公時天下諸侯之大夫皆執國權君不能制漸將

日甚善惡不明賞罰不行周失之舒秦失之急故周衰亡寒歲秦

滅亡煥年

漢武帝元狩六年冬亡水先是比年遣大將軍衛青霍去病攻祁

連絕大幕窮追單于斬首數十萬級還大行慶賞乃閱海內勤勞

遣博士褚大等六人持節巡行天下存賜鰥寡假子困乏舉遺逸

漢書卷之三百四

物異考

廿

獨行君子郡國有以便宜上者丞相御史以聞天下咸喜

昭帝始元二年冬亡冰是時十年九歲大將軍霍光秉政始行寬

緩欲以說下

後齊天保八年三月大熱人或暍死劉向五行傳曰視不明用近

習賢者不進不肖不退百職廢壞廢事不從其過在政教舒緩時

帝狂躁荒淫無度之應

唐天寶元年冬無冰先儒以為陰失節也又曰知罪不誅其罰燠

斐則暑殺人冬則物華實蓋當寒反燠象宜刑而賞之也

貞元十四年夏大燠

元和九年六月大燠

長慶二年冬少雪不冰凍草木萌莢如正月

廣明元年十一月爰如仲春

宋淳化二年冬京師無冰

大中祥符二年京師冬溫無冰

天聖五年夏秋大暑毒氣中人占者曰此洪範所謂恒燠也

嘉祐六年冬京師無冰

治平四年冬無雪

元豐八年冬無雪

元祐元年冬無雪

四年冬無雪

五年冬無水雪

紹興五年五月大燠四十餘日草木焦槁山石可灼人死於暑者

甚衆

三十一年冬無雪

乾道三年冬温少雪無冰

五年冬温亡雪

六年冬復温無雪無冰

紹興三年滄川路不雨氣燠如仲夏日月皆赤榮州尤甚

慶元元年冬無雪

四年冬無雪越歲春燠而雷

六年冬燠無雪桃李華蟄蟲不藏管中曰臣秉君威則陰侵陽盛冬不冰時韓侂胄擅朝陰脅陽之象

開禧三年冬少雪

嘉定元年春燠如夏

六年冬燠無冰有雷昆蟲不蟄

八年夏五月大燠草木枯槁百泉皆竭行都斛水百錢江淮盪水數十錢鴨死者甚衆

九年冬無雪

十三年冬無冰臘無雪越歲春暴燠土燥泉竭

鄱陽 馬 端臨 貴與 著

物異考

恒寒

春秋桓公八年十月雨雪周十月今八月也未可以雪劉向以為
 時夫人有淫齊之行而桓有妬媚之心師古曰媚謂夫妬婦也音莫報反夫人將
 殺其象見也師古曰謂桓公桓不覺寤後與夫人俱如齊而殺死凡兩
 陰也雪又雨之陰也出非其時迫近象也董仲舒以為象夫人專
 恣陰氣盛也

定公元年十月隕霜殺菽菽大劉向以為周十月今八月也陰氣
 未至君位而殺誅罰不由君出在臣下之象是時季氏逐昭公公
 死于外定公立故夫見災僖公二年十月隕霜不殺草為嗣君微

失秉事之象也其後卒在臣下則災為之生矣異故言草災故言
菽重殺穀以其重於菽草也一曰菽草之難殺者也言殺菽知草皆死也
言不殺草知菽亦不死也董仲舒以為菽草之彊者天戒若曰加
誅於彊臣言菽以微見季氏之罰也

周考王六年六月秦兩雪

威烈王四年四月晉大兩雪

秦始皇初即位尚幼委政太后太后淫於呂不韋及嫪毐嫪即到
反封毒為長信侯以太原郡為毒國宮室苑囿自恣政事斷焉故
天冬雷以見陽不禁閉以涉危害舒與近近之應也始皇既冠毒
懼誅作亂始皇誅之斬首數百級大臣二十人皆車裂以殉夷滅
其宗遷四千餘家於房陵是歲四月寒民有凍死者數千之間緩
急如此寒與應此其如也劉歆以為大雨雪及未當雨雪而兩
雪及大雨雹隕霜殺菽皆常寒之罰也京房易傳曰有德遭險凶
謂逆命厥異寒誅過深當煥而寒盡六日亦為雹害正不誅茲謂
養賊寒七十二日殺蜚禽道人始去有道之人去茲謂傷其寒物無霜
而死涌水出戰不量敵茲謂辱命其寒雖兩物不茂聞善不予厥
外聲

漢文帝四年六月大雨雪後二年淮南王長謀反發覺遷道死師
曰遷於蜀未至而死於雍故曰道死京房易傳曰夏雨雪戒臣為亂

景帝中六年三月雨雪其六月匈奴入上郡取苑馬吏卒戰死者
二千餘人明年條侯周亞天下獄死

武帝元狩元年十二月大雨雪民多凍死是歲淮南衡山王謀反
發覺皆自殺使者行郡國治黨與師古曰行首下更行坐死者數萬人

元鼎二年三月雪平地厚五尺是歲御史大夫張湯有罪自殺丞

相嚴青翟坐與三長史謀陷湯師古曰謂朱賈豆為丞相長史青翟自殺三長史皆棄市元鼎三年三月水水四月雨雪關東十餘郡人相食是歲民不占緡錢有告者以半界之言政急刻也

元光四年四月隕霜殺草木先是二年遣五將軍三十萬衆伏馬邑下欲襲單于單于覺之而去自是始征伐四夷師出三十餘年天下戶口減半京房易傳曰興兵妄誅茲謂亡法厥災霜夏殺五穀冬殺麥誅不原情茲謂不仁其霜夏先大雷風冬先雨乃隕霜有芒角賢聖遭害其霜附木不下地攸人依刑茲謂私賊其霜在草根土隙間不教而誅茲謂虐其霜反在草下

元鼎二年三月大雨雪

元帝永光元年三月雨雪隕霜殺桑九月二日隕霜殺稼天下大饑時中書令右顯用事專權與春秋定公時隕霜同應

建昭二年十二月齊楚地大雪深五尺是歲京房張博為石顯所譖死

四年三月雨雪燕多死是日皇后親蠶疾風自西北大寒雨雪壞敗其功

陽朔四年四月雨雪燕雀死後二年許皇后自殺

王莽天鳳元年四月隕霜殺草木

三年二月大雨雪關東尤甚深者一丈竹柏皆枯

四年八月大塞百官人馬有凍死者

地皇二年秋隕霜殺菽

後漢靈帝光和六年冬大塞北海東萊琅邪井中冰厚尺餘袁山松書

曰時群賊起天下始亂識曰寒者小人暴虐專權居位無道有位適罰無法又殺無罪其寒必暴殺

獻帝初平四年六月寒風如冬時帝流遷失政右扶風雹如斗袁山

文優老之三
松書曰：電殺人前後兩電，此最為大時，天下潰亂。

吳孫權嘉禾三年九月朔，隕霜傷穀。按劉向說：誅罰不由君出，在臣下之象也。時校事呂壹專作威福，與漢元帝時石顯用事，隕霜同應。

四年七月，雨雹又隕霜。

赤烏四年正月，大雪平地深三尺，鳥獸死者大半。是年夏，全琮等四將軍攻略淮南，襄陽戰死者千餘人。其後權以譏邪數責讓陸議，議恚致卒。與漢景武大雪同事。

晉武帝泰始九年四月，隕霜。時賈充親黨比周用事，與魯定公漢

元帝時隕霜同應。咸寧三年八月，平原安平上黨泰山四郡霜害

三，且是月河間暴風寒，水郡國五隕霜，傷穀。是後征吳及討涼州

賊。六月，汲郡廣平陳留滎陽兩電，隕霜傷秋麥千三百餘頃。

太康元年三月，河東高平霜雹傷桑麥。

二年三月，河東隕霜，害桑。

五年九月，南安大雪折木。

六年三月，齊郡臨淄等四縣樂安等八縣琅邪等八縣河間等六

縣高陽等四縣隕霜，傷桑麥。

八年四月，齊國天水二郡隕霜。

九年四月，隴西隕霜。

十年四月，郡國八隕霜。

惠帝元康六年三月，東海兩雪，殺桑麥。

七年七月，秦雍二州隕霜，殺稼。

九年三月，河東滎陽潁川隕霜，傷未。

光熙元年閏八月，霰雪剽向曰：盛陽雨水湯熱，陰氣脅之，則轉而

為雹盛陰雨雪凝滯陽氣薄之則散而為霰今雪非其時此聽不
聰之應是年帝崩

明帝太寧三年三月丁丑雨雪癸巳隕霜

咸和九年八月成都大雪是歲李雄死

康帝建元元年八月大雪時政在將相陰氣盛也劉向曰凡雨陰
也雪又雨之陰也出非其時迫近象也

和帝永和三年八月冀方大雪人馬多凍死

十年五月涼州雪明年張祚護軍張瓘廢祚更立玄靚京房易傳
曰憂雪戒臣為亂

十一年四月霜

安帝義熙五年三月己亥雪深數尺

安帝天監三年三月六年三月並隕霜殺章京房易傳曰興兵
妄誅謂亡法厥罰霜是時大發卒拒魏兵於鍾離連兵數歲

普通三年三月大雪平地三尺雨陰也雪又陰妾不妾臣不臣之

應時義州刺史文僧胡以州叛于魏臣不臣之應也

大同三年六月朔山隕霜七月青州雪害苗稼時交州刺史李賁
舉兵反僭號擊之不克

十年十二月大雪平地二尺時邵陵王綸湘東王繹武陵王紀並
權侂人王頗為驕恣皇太子甚惡之帝不能抑損及侯景之亂諸

王擁彊兵不勤王委棄君父自相屠城國竟以亡

陳宣帝太建十年八月隕霜殺稻菽時大興師衆與周師相推於
呂梁

東魏靜帝興和二年五月大雪時神武作宰發卒十餘萬築鄴城
百姓怨思

武定四年二月大雪人畜凍死相望於道時步落稽舉兵反寇亂
數州人多死亡又爾朱文暢等謀害神武事泄伏誅黨與多濫死
後齊武成河清元年歲大寒識曰殺無罪其寒必異時帝淫於文
宣李后又殺其子冤酷之應

二年二月大雪連月南北千餘里平地數尺繁霜晝下時突厥可
汗與周師入并州殺掠吏人不可勝紀

後主天統二年大雪三年正月又大雪平地二尺武平三年正月
又大雪時馮淑妃陸令萱內制朝政陰氣積盛故天變屢見

唐高宗顯慶四年二月壬子大雨雪方春少陽用事而寒氣脅之
古占以為人君刑法暴濫之象近常塞也

咸亨元年十月癸酉大雪平地三尺人多凍死
儀鳳三年五月丙寅高宗在九成宮霖雨大寒兵衛有凍死者
開耀元年冬大寒

武后久視元年三月大雪
中宗神龍元年三月乙酉睦州暴寒且冰

玄宗開元二十九年九月丁卯大雨雪大水偃折
代宗大曆四年六月伏日寒

德宗貞元元年正月戊戌大風雪寒丙午又大風雪寒民饑多凍
死者十二年十二月大雪甚寒竹柏柿樹多死占曰有德遭險
厥災暴寒

十九年三月大雪二十年二月庚戌始雷大雨雹震電大雨雪既
雷則不當雪陰脅陽也如魯隱公之九年

憲宗元和六年十二月大雪

八年十月東都大寒霜厚數寸雀鼠多死

十二年九月巳丑雨雪人有凍死者

十五年八月巳卯同州雨雪害稼

穆宗長慶元年二月海州海水冰南北二百里東望無際

文宗大和六年正月雨雪踰月寒甚

九年十二月京師苦寒

武宗會昌三年春寒大雪江左尤甚民有凍死者

懿宗咸通五年冬隰石汾等州大雨雪平地深五尺

昭宗景福二年二月辛巳曹州大雪平地二尺

天復三年三月浙西大雪平地三尺餘其氣如煙其味苦十二月又大雪江海冰

天祐元年九月壬戌朔大風寒如仲冬浙東浙西大雪吳越地氣常燠而積雪近常寒也

霜
唐太宗貞觀元年秋霜殺稼京房易傳曰人君刑罰妄行則天應之以隕霜 三年北邊霜殺稼

高宗永徽二年綏延等州霜殺稼

調露元年八月邠慶寧涇原五州霜 證聖元年六月睦州隕霜

殺草吳越地燠而盛夏隕霜昔所未有

四年四月延州霜殺草四月純陽用事象人君當布惠于天下而反隕霜是無陽也

玄宗開元十二年八月潞綏等州霜殺稼

十五年天下州十七霜殺稼

憲宗元和二年七月邠寧等州霜殺稼

九年三月丁卯隕霜殺桑

初吳

十四年四月淄青隕霜殺惡草及荆棘而不害嘉穀

敬宗寶曆元年八月邠州霜殺稼

太和三年秋京畿奉先等八縣早霜殺稼

宣宗太中三年春隕霜殺桑

僖宗中和元年春霜秋河東早霜殺稼

宋太祖建隆三年春延寧二州雪盈尺溝洫後水草木不華丹州

雪二尺許 栲州厭次縣隕霜殺桑民不蠶

太宗太平興國七年三月宣州霜雪害桑稼

雍熙七年冬南康軍大雨雪江水冰勝重載

端拱元年閏五月鄆州風雪傷麥 淳化三年三月商州霜花木皆死 九月京兆府大雪殺苗稼

四年二月商州大雪民多凍死 真宗咸平四年三月丁丑京師及近畿諸州風雪損桑

景德四年七月渭州瓦亭寨早霜傷稼

太中祥符九年十一月大名府澶州相州並霜害稼

天禧元年十二月京師大雪苦寒人多凍死路有僵尸遣中使謹

之四郊

二年正月永州大雪六晝夜方止江溪魚皆凍死

至和元年正月京師大雪貧弱之民凍死者甚衆

二年河東自春殞霜殺桑

嘉祐四年正月自冬雨雪泥塗盡水都民飢寒死於道路者甚衆

哲宗元祐二年冬京師大雪連月至春不止久陰常寒罷上元節

游幸降德音諸道

元年十一月京師大雪多流民

元符二年正月甲辰朔御大慶殿受朝賀以雪罷

徽宗政和三年十一月大雨雪連十餘日不止平地八尺餘水滑人馬不能行紹許百官乘轎入朝飛鳥多死

七年十二月大雪詔收養內外乞食老幼

靖康元年閏十一月大雪盈三尺不止天地晦冥或雪未下時陰雲中有雪絲長數寸墮地

二年正月丁酉大雪天寒甚地冰如鏡行者不能定立是月乙卯車駕在青城大雪數尺人多死

高宗建炎三年六月久陰霖雨而寒京房謂害正不誅茲謂養賊後連誅判將

紹興元年二月寒食日雪

七年二月霜殺桑稼

十三年三月雪

二十八年三月兩雪三十一年正月戊子大雨雪至巳亥逾旬不止禁旅壘舍有壓者時久雪寒甚

孝宗乾道元年三月暴寒苗稼多凍死

二年春大雨寒至于三月損蠶麥京考以為閭善不予其寒雖雨物不茂

六年夏五月大風雨寒稼多腐敗

淳熙十二年淮水冰斷流與唐志長慶海水同占十二月大雪至明年正月或雪或霰或雹或雨水或冰沍尺餘連日不解台州雪深丈餘民凍死

十六年四月戊子成州天水縣大雨雪麥皆凍死

七月階成鳳西和四州霜殺稼盡與漢水光夏霜同占

光宗紹熙元年三月留寒至立夏不退

二年正月行都大雪積五河水厚尺餘寒甚是卷雷雪相繼凍雨

彌月

三年九月丁未和州墮霜連三日殺稼是月淮西郡國稼皆肅於

霜民大飢

寧宗慶元六年五月亡暑氣如漂秋

嘉定六年六月亡暑夜寒與京房當燠而寒同占

雹 木冰 冰花

劉向以木冰為木不曲直唐志以冰花為華孽愚按木不曲直與華孽者皆花木失其常性而為妖者也若木冰乃寒脅木而成冰則妖不在木也冰花乃冰有異而結花則妖不在

花也故以與雹同類而附恒寒之後去

春秋成公十六年正月雨木冰劉歆以為上陽施不下通下陰施

不上達故雨而木為之冰霰氣寒紛木不曲直也劉向以為水者

陰之盛而水滯也木者少陽貴臣卿大夫之象也此人將有害則

陰氣脅木木先寒故得雨而冰也時叔孫喬如出奔公子偃誅死

偃如淫謀作亂出奔偃偃如之謀故誅一曰時晉執季孫行父又執公此執辱之異

故執公及季孫或曰今之長老名木冰為木介介者甲甲兵象也

是歲晉有陽陵之戰楚王傷目而敗屬常雨也

釐公二十九年秋大雨雹劉向以為盛陽雨水溫暖而湯熱陰氣

脅之不相入則轉而為雹盛陰雨雪凝滯而冰寒陽氣薄之不相

入則散而為霰師古曰霰雨雪及雪之銷亦冰解而散此其驗

為水蓋車曰散湯器中以寒泉及雪之銷亦冰解而散此其驗

也故雹者發脅陰也春秋不書霰者猶月食也釐公末年信用公

也故雹者發脅陰也春秋不書霰者猶月食也釐公末年信用公

也故雹者發脅陰也春秋不書霰者猶月食也釐公末年信用公

也故雹者發脅陰也春秋不書霰者猶月食也釐公末年信用公

也故雹者發脅陰也春秋不書霰者猶月食也釐公末年信用公

也故雹者發脅陰也春秋不書霰者猶月食也釐公末年信用公

也故雹者發脅陰也春秋不書霰者猶月食也釐公末年信用公

也故雹者發脅陰也春秋不書霰者猶月食也釐公末年信用公

也故雹者發脅陰也春秋不書霰者猶月食也釐公末年信用公

也故雹者發脅陰也春秋不書霰者猶月食也釐公末年信用公

也故雹者發脅陰也春秋不書霰者猶月食也釐公末年信用公

也故雹者發脅陰也春秋不書霰者猶月食也釐公末年信用公

也故雹者發脅陰也春秋不書霰者猶月食也釐公末年信用公

手遂遂專權自恣將至於殺君故陰脅陽之象也。釐公不寤遂終
專權後二年殺子赤立宣公。師占曰公子遂東門襄仲也赤文公大子即惡也左氏傳曰
聖人在上無電雖有不為災說曰凡物不為災不書書大言為災
也。凡電皆冬之愆陽夏之伏陰也。師古曰愆過也過陰冬温也伏陰夏寒也
昭公三年大雨電是時季氏專權魯君之象見昭公不寤後季氏
卒遂昭公。

漢武帝元鼎三年夏四月大雨電

元封三年十二月雷雨電大如馬頭

宣帝地節四年五月山陽濟陰雨電如鷄子深二尺五寸殺二十

餘人蜚鳥皆死其十月大司馬霍禹宗族謀反霍皇后廢

王莽天鳳元年七月雨電殺牛羊

後漢和帝永元五年六月郡國三雨電大如雞子

春秋考異并曰不離前無由相去之心同與參駟旁任之內歡欣之樂專政夫人施而不傳陰精凝而見威易識曰凡電者過由人君惡開其過抑賢不易內與邪人通取財利蔽賢施之並當雨不雨故及電下也

是時和帝用酷吏周紆為司隸校尉刑誅深刻古今注曰光武建武十年十月戊辰

樂浪上谷兩電傷稼十二年河南平陽兩電大如杯瓌敗吏民至合十五年十二月乙卯鉅鹿兩電傷稼永平三年八月郡國十二

兩電傷稼十年郡國十八或兩電蝗易緯曰夏電者治道煩苛繇役急促教令數變無有常法不救為兵彊臣謀逆蝗虫傷穀救之舉賢良爵有功務寬大無誅罰則災除。

安帝永初元年雨電 二年雨電大如雞子 三年兩電大如鴈
子傷稼劉向以為電陰脅陽也是時鄧太后以陰專陽政
元初四年六月戊辰郡國三雨電大如杆杯及雞子殺六畜古今注曰

樂安電如杆殺人京房占曰夏兩電天下兵大作

延光元年四月郡國二十一兩電大如雞子傷稼是時安帝信讒
無辜死者臣昭按尹敏傳是歲河西大雨電如斗安帝見孔李彥問其故對曰此皆陰乘陽之微也人貴臣擅權母后黨

文獻卷之三十五
盛陛下宜修聖德慮此二者也

三年兩雹大如雞子古今注曰順帝末建五年郡國十二兩雹傷秋稼

桓帝延熹四年五月巳郊京都兩雹大如雞子是時桓帝誅殺過差又寵小人

七年五月巳丑京都兩雹是時皇后鄧氏僭侈驕恣專幸明年廢以憂死其家皆誅

靈帝建寧二年四月兩雹 四年五月河東兩雹

光和四年六月兩雹大如雞子是時常侍黃門用權中平二年四月庚戌兩雹傷稼

魏文帝黃初六年正月兩木冰是年六月利成郡兵蔡方等殺太守徐質據郡反太守古諸侯貴臣有害之應也一說木介甲兵之象是歲既討蔡方又帝自將舟師征吳成卒十餘萬連旌數百里臨江觀兵是其應也

孫權嘉禾四年七月兩雹又隕霜劉向說雹者陰脅陽也時呂壹作威用事詆毀重臣自太子登以下咸患毒之與春秋公子遂專任兩雹同應也十一年四月兩雹時權臣聽諛將危太子誅罰過深之應也

晉武帝咸寧五年五月丁亥鉅鹿魏郡兩雹傷禾麥辛卯鴈門兩

雹傷秋稼六月庚戌汲郡廣平陳留滎陽兩雹景辰又兩雹隕霜傷秋麥千三百餘頃壞屋百三十餘間癸亥安定兩雹七月景申

魏又兩雹閏月壬子新興又兩雹八月庚子河南河東弘農又兩雹兼傷秋稼三豆

太康元年三月河東高平霜雹傷桑麥四月河南河內河東魏郡弘農兩雹傷麥豆是月庚午畿內縣二及東平范縣兩雹癸酉畿

內縣五又雨雹五月東平平陽上黨鴈門濟南雨雹傷禾麥三豆
是時王濬有大功而權戚互加陷柳帝從容不斷陰脅陽之應也
二年二月辛酉隕霜于濟南琅邪傷麥壬申琅邪兩雹傷麥三月
甲午河東隕霜害桑五月景戌城陽章武琅邪傷麥庚寅河東樂
安東平濟陰弘農濮陽齊國頓平魏郡河內汲郡上黨兩雹傷禾
稼六月郡國十七雨雹七月上黨兩雹

三年十二月大雪

五年七月乙卯中山東平兩雹傷秋稼甲辰中山雨雹

六年六月滎陽汲郡鴈門兩雹

九年正月京都大風兩雹發屋拔木

惠帝元康二年八月沛及蕩陰兩雹

三年四月滎陽兩雹六月弘農湖城華陰又兩雹深三尺時賈台
凶深子終與春秋魯桓公夫人同事陰氣盛也

五年六月東海兩雹深五寸十二月丹陽建鄴兩雹

七年五月魯國兩雹

九年五月兩雹

末寧元年七月襄城河南兩雹十月襄城河南高平平陽又風雹
折木傷稼

元帝太興二年三月丁未成都風雹殺人

三年二月辛未雨水水後二年周觀等遇害是陽施不下通也

三月海鹽兩雹時王敦陵上

明帝二年四月京都大雨雹燕雀死

三年四月大雨雹是年帝崩尋有蘇峻之亂

成帝咸和六年三月兩雹時帝幼弱政在臣下

咸康二年正月皇后見於太廟其夕雨雹

穆帝永和五年六月臨漳暴風震電兩雹大如升

八年正月乙巳雨水冰是年殷浩北伐明年軍敗十年廢黜

海西太和三年四月雨雹折木

孝武太元二年四月雨雹

十二年四月己丑兩雹

十四年十二月乙巳雨水冰明年王恭度稱殷仲堪君外藩與王

國寶等構怨終同夷滅

二十五年五月上震雨雹

二十一年四月雨雹是歲帝暴崩

安帝隆安二年三月雹

三年四月江陵雨雹是時安帝蒙塵

義熙元年四月雨雹

六年五月漂陽雨雹九月廣陵雨雹

六年五月雨雹

八年四月六月皆雨雹

十年四月雨雹

石勒時雹起西河界山大如雞子平地三尺洿哀都下文餘下

人禽獸死者萬數歷太原樂平武鄉趙郡廣平鉅鹿千餘里樹

木摧折禾稼蕩然勒正服于東堂以問徐光曰歷代以來有斯

災幾也光對曰周漢魏晉皆有之雖天地之常事然明王未始

不為變所以敬天之怒也去年禁寒食介推帝鄉之神也歷代

所尊或者以為未宜替也一人吁嗟王道尚為之虧况群神怨

憾而不怒動上帝乎縱不能令天下同爾介山左石晉文之所

封也宜任百姓奉之勒下書曰寒食既并州之舊風朕生其俗不能異也前者外議以子推諸侯之臣王者不應為忌故從其議倘或曰之而致斯災乎子推雖朕卿之神非法食者亦不得亂也尚書其促檢舊典定議以聞有司奏以子推歷代攸尊請普復寒食更為植嘉樹立祠堂給戶奉祀勒黃門郎韋謏駁曰按春秋藏冰失道陰氣發泄為雹自子推已前雹者復何所致此自陰陽乖錯所為耳且子推賢者曷為暴害如此求之宜趣必不然矣今雖有水室懼所藏之冰不在固陰沍寒之地多皆川池之側氣泄為雹也子推忠賢令絲介之間奉之為久於天下則不通矣勤從之於是遷水室於重陰凝寒之所并州復寒食如初

宋文帝元嘉十八年三月雨雹

梁武帝中大通元年四月大雨雹洪範五行傳曰雹陰脅陽之象

尉帝數捨身為奴拘信佛法為沙門所制

陳宣帝大建二年六月大雨雹 十年四月又大雨雹 十三年

九月大雨雹時始興王叔陵驕恣帝又寵過之後卒為亂

東魏孝靜武定四年冬天雨水水時司徒侯景專制河南神武薨

景舉兵及慕容紹宗討平之

後齊後主天保元年雨水水三日時清河王微為高歸彥所諸憂

死

武平元年冬雨水水明年二月又雨水兵時錄尚書事和士開專

政琅邪王儼矯詔殺之儼尋遇害

六年七月頻歲雨水水其年周師入晉陽

唐永徽二年十一月甲申陰霧凝凍封樹木數日不解劉向以為

木少陽貫臣象此人將有害則陰氣脅木先寒故得雨而水亦謂之樹介兵象

麟德元年十二月癸酉紛霧終日不解甲戌雨木冰

儀鳳三年十一月亦如之

延載元年十月癸酉白霧木冰

景龍四年三月雨木冰

開元二十九年十一月雨木冰其甚數日不解

永泰元年三月雨木冰

大曆二年十一月紛霧如雪草木冰

貞元元年十二月雨木冰

二十年冬雨木冰

長慶三年十一月雨木冰

寶曆元年十一月雨木冰

太和七年十二月夜霧木冰

開成四年九月雨雪木冰

會昌元年十二月雨木冰

四年正月木冰

景福中滄州城墮中冰有文如畫大樹華葉芬敷者時人以為地當有兵難近華孽也

電

唐貞觀四年秋丹延北永等州電

顯慶二年五月滄州大雨電中人有死者

咸亨元年四月庚午雍州大雨電

二年四月戊子大雨電震電大風折木落則天門鴟尾三先儒以

為電者陰脅陽也又曰人君惡聞其過抑賢用邪則電與雨俱信

說殺無罪則電下毀瓦破車殺牛馬

永寧元年五月壬寅定州大雨電害麥禾及桑

天授二年六月庚戌許州大雨電

證聖元年二月癸卯滑州大雨電殺燕雀

神功元年姦媛二州電

聖曆元年六月甲午曹州大雨電

又觀元年六月丁亥曹州大雨電

長安三年八月京師大雨電人畜有凍死者

神龍元年四月壬子雍州同官縣大雨電殺鳥獸

景龍元年四月己巳曹州大雨電

二年正月己卯滑州雨電如雞子

開元八年十二月丁未滑州大雨電

二十二年五月戊辰京畿渭南等六縣大風電傷麥

大曆七年五月乙酉雨電

貞元二年六月丙子大雨電

十七年二月丁酉雨電己亥朔戊申夜震霆雨電庚戌大雨雪而

電五月戊寅好時縣風電害麥

十八年七月癸酉大雨電

元和元年鄜坊等州電

十年秋鄜坊等州風電害稼

十二年夏河南雨電中人有死者

十五年三月京畿興平醴泉等縣電傷麥

長慶四年六月庚寅京師雨電如彈丸

大和四年鄜坊等州電

五年夏京畿奉先渭南等縣雨雹

成二年秋河南雹害稼

四年七月鄭滑等州風雹

五年六月濮州雨雹如拳殺人三十六牛馬甚眾

會昌元年秋登州雨雹文登尤甚破瓦害稼

四年夏雨雹如彈丸

乾符六年五月丁酉宣授宰臣巨盧瑑崔沆制殿庭氛霧四塞及

百官班賀于政事堂雨雹如瓦如大風雷雨拔木

廣明元年四月甲申朔汝州大風雨拔街衢樹一二三東都有雲

起西北大風隨之長夏門內表道古槐樹自拔者十五六宮殿鳩

尾皆落雨雹大如杯鳥獸結於川澤

後晉開運二年正月東京封丘門外塲內水上有文若大樹華發

穀之狀相連數十株宛如圖畫

漢天福十二年十一月且日天人昏霧木有水至十一日霜露著

草木皆為冰時魏府杜重威叛討降之至

周廣順三年十一月雨水冰

宋建隆元年十月大名府臨清縣雨雹傷稼

二年七月州義川雲嚴二縣大雨雹

三年七月路州武鄉等四縣雨雹

四年七月海州風雹

乾德二年四月開封府陽武縣雨雹宋州寧陵縣風雨雹傷民曰

六月潞州風雹七月同州郃陽縣雨雹並害稼八月延州膚施縣

風雹墮霜

三年四月開封府尉氏扶溝二縣風雹害民曰桑葉十損七八六

月曹州濟寧定句二縣風雹墮田

六年八月河南府河清縣雨雹

開寶三年夏同州滑州大風雨雹害稼

四年八月鄆州須城等三縣風雹

八年五月邢磁州風雹害桑麥

太平興國二年六月瀛州景城縣雨雹七月相州永定縣大風雹

害稼

五年四月大名府冠氏縣壽州安豐縣風雹

七年五月太平州燕湖縣雨雹傷稼

八年五月相州風雹傷民田

端拱元年三月霸州大雨雹殺麥苗閏五月鄆州雨雹傷麥

淳化元年六月許州大風雹壞軍營民舍千一百五十六區單州

魚臺縣風雹害稼

至道二年十一月代州風雹傷田稼

咸平元年九月定州北平等縣風雹傷稼

三年四月丁巳京師雨雹飛禽有隕者

六年四月甲申京師暴風雨雹如彈丸

大中祥符三年八月丙辰京師雨雹

五年八月丙辰京師雨雹

天禧元年九月鎮戎軍彭城寨風雹害民田八百餘戶

天聖八年五月丙辰大雨雹

慶曆元年七月壬午大雨雹

六年四月甲辰大雨雹

嘉祐四年四月大震電雨雹

熙寧元年秋鄜州雨雹

三年七月七年四月五月京師雨雹

八年夏鄜州涇州雨雹

九年二月京師雨雹

十年夏鄜州雨雹秦州大雨雹

紹聖三年十月辛未西南方有雷聲次大雨雹

四年閏二月癸卯京師雨雹自辰至申

建中靖國元年二月丙申京師雨雹五月辛酉京師大雨雹

崇寧三年十月辛丑大觀元年十月己巳三年五月戊申京師大雨雹

政和七年六月京師大雨雹皆如拳或如一升器幾兩時而上

宣和四年二月癸卯京師雨雹

靖康元年十二月己卯庚辰京師雨雹

木冰水花

咸平元年十一月庚戌雨木冰

大中祥符五年正月戊寅京師雨木冰 景德元年二月保順軍

城壕冰隱起文為桃李華雜人物之狀

大中祥符九年正月霸州渠冰有文如袍龍狀

慶曆三年十二月六兩雪木冰占曰兵象

治平二年十月乙巳雨木冰

熙寧三年十月八年正月京師雨木冰

元祐八年二月京師大寒霰雪雨木冰

宣和五年十月乙酉雨木冰

靖康元年十月乙卯雨木冰

二年正月丁酉雨水冰

建炎三年八月甲戌大雨電劉向以為盛陽雨水濕氣脅之不相人則轉而為雹故雹者陰脅陽也一曰人君惡聞其過明邪為利蔽賢施之則雹與雨俱信讒殺無罪則雹下毀瓦破車殺牛馬

紹興元年二月壬辰 上在越州雨雹震雷

二年二月丙子 上在臨安大雨雹

二年正月辛未雨雹震雷陰氣之專精凝合生雹陽不禁閉則非時雷出陰脅陽象

四年三月己未雨雹傷稼

五年閏二月乙巳朔雨雹雪

十月丁未秀州華亭風雷雨電激射疾於箭渾灤子

十二

七年二月癸卯先一夕雷後一日雪癸丑又雹按晉書雷以二月出陽出發洩明日便大雪皆失節之異又春秋以陰脅陽為臣專權時秦檜始大用是其應也

八年六月丙辰大雨雹

九年二月甲戌雹傷麥 十二月辛未又雹

十年二月辛亥大雨雹 十二月庚辰又雹

十一年正月辛酉雨雹

十三年二月甲子雨雹傷麥 五月戊午夜雹 七月壬申雹害

稼 十一月己未又雹

十七年正月庚辰雨雹五月乙丑又雹

二十一年三月己卯雹傷未麥

二十八年四月辛亥雨雹

二十九年二月戊戌雹損麥

隆興元年三月丙申夜雨雹

二年二月丁丑雹與霰俱剉向以為雹陰脅陽霰陽薄陰也四月

庚午雹 七月丁未雨雹 十二月己亥雨雪而雹

乾道元年二月庚寅夜雹

二年十月辛卯雨雹

三年二月壬午雪癸未雹

四年正月癸未夜雹有霰 二月丁酉又雹乙卯又雹而雪

五年二月丙午雹損麥

六年二月壬午雹亦損麥

八年七月壬辰雨雹

淳熙三年四月丁亥雨雹癸巳天台臨海二縣大風雹傷麥

四年正月丙寅雨雹

六年正月丁丑雹傷麥三月壬申夜大雨雹如彈丸

八年十二月申寅雨雹

十二年二月辛酉夜有雹

十三年閏七月丙午雨雹

十五年二月丁亥雨雪而雹六月丁卯又雹

十六年二月己卯雹與雨俱

紹興元年二月丙申雪丁酉雹

二年正月戊寅大雹震雷雹以雨 二月庚辰大雪連數日雷陽

也雪陰也既雷則不當雪皆失節人應乙酉宰臣留正奏土木繁

皇后家廟之役 二月庚寅朔建寧府大風雨雹仆屋殺人 三

月癸酉又大風雨雹大如桃李實平地盈尺壞城郭民舍七百餘

家鄉落四千三百餘家禾苗不殖桑麻種麥蔬果皆損温州瑞安縣亦如之壞屋殺人尤衆皆令各郡振之 (秋)西和州祐川縣大風雹壞粟麥種莖

慶元三年二月戊辰雪已已雹 四月乙丑雨雹大如杯破瓦殺燕雀

嘉泰元年三月丙寅丁卯戊辰連雨雹五月丁丑又雹 七月癸亥大雨而雹

二年四月庚寅雨雹傷稼 六月庚子大風雹而寒陰脅陽又常寒也

四年正月壬辰雪與雹俱 開禧二年正月己酉雨雹而雷

嘉定元年閏四月壬申雨雹害稼 二年三月乙未雨雹

六年夏江浙郡國多雨雹害稼 十五年九月癸丑大震雨雹陽不開陰脅陽皆君道弱臣道彊之象

十六年秋又雹

水花 (宋)紹興七年十二月中書門下省檢正官張宗元出撫淮西軍寓家建康府盆水有文如畫佳卉茂木華葉芬敷日易以水變趣奇

出盡春暄乃止近華孽也說曰其地當有兵難

淳熙初秀州呂氏家冰瓦有文樓觀車馬人物並蕭夫容重莢牡丹長春萱草藤蘿經日不釋亦華孽類也

中興以來長老所記或雨而木冰或霜而木冰者甚多不曰異郡

文獻通考卷之三百五
國不以閭蓋日官失之故木冰無錄者

文獻通考卷之三百五

文獻通考卷之三百六

鄱陽 馬 端臨 貴與 著

物異攷

恒風

春秋釐公十六年正月六鵠退蜚過宋都音五反左氏傳曰風

也劉歆以為風發於它所至宋而高鵠高蜚而逢之則退經以見

者為文故記蜚傳以實應著言風常風之罰也象宋襄公區霧自

用不容臣下逆司馬子魚之諫而與疆楚爭盟師古曰子魚之子

而為司馬爭盟謂為鹿上之盟以求諸侯後六年為楚所執師古曰

於楚子魚諫曰小國爭盟禍也公不聽之後六年為楚所執師古曰

宋距六年楚執宋公以伐應六鵠之數云京房易傳曰潛龍勿用

初九爻辭衆逆同志至德迺潛厥異風其風也行不鮮物不長師古曰

鮮散也不長所起者近也兩小而傷政悖德隱茲謂亂厥風先風

不雨大風暴起發屋折木守義不進茲謂耄厥風雲俱起折五穀
莖臣易上政茲謂不順厥風大發發屋師古曰發疾風也音必逆反賦欽不理
茲謂禍厥風絕經紀如淳曰有所破壞絕匹帛之屬也音灼曰南
止即温温即蟲侯專封茲謂不統厥風疾而樹不搖穀不成辟不
思道利茲謂無澤師古曰道讀尊不思厥風不搖木旱無雲傷禾
公常於利茲謂亂師古曰於下而安利之厥風微而温生蟲蝗害五
穀棄正作淫茲謂感厥風温螟蟲起害有益人之物侯不朝茲謂
欲厥風無恒地變赤而殺人

漢文帝二年六月淮南王都壽春大風毀民室殺人時淮南王破

南越後遂謀逆帝赦之遷蜀道死

五年吳暴風雨壞城官府民室時吳王濞謀為逆亂後卒誅滅五

年十月樊王都郢城大風從東南來毀市門殺人時王戊初嗣位

後坐淫削國與吳王謀反誅

武帝元光五年秋七月大風拔木

征和二年夏四月大風發屋折木

昭帝元鳳元年燕王都薊大風雨樓宮中樹七圍以上十六枚壞

城樓後燕王旦謀反發覺誅

元帝建始元年十二月大風拔甘泉時中大木十圍以上

王莽天鳳元年七月大風拔木飛北闕直城屋瓦

地皇元年七月大風毀王路堂

更始元年六月光武破王尋王邑兵于昆陽大雷風屋瓦皆飛

後漢和帝永元五年五月戊寅南陽大風拔樹木

安帝永初元年大風拔樹是時鄧太后攝政以清河王子年少號

精耳故立之是為安帝不立皇太子勝以為安帝賢必當德鄧氏

也後安帝親諛廢免鄧氏今郡縣迫切死者八九人家至破壞此

為警霧也是後西羗亦大亂涼州十有餘年

二年六月京師及郡國四十大風拔樹

三年五月癸酉京都大風拔南郊道梓樹九十六枚

七年八月丙寅京都大風拔樹

元初二年二月癸亥京都大風拔樹

六年夏四月沛國勃海大風拔樹三萬餘枚

延光二年三月丙申河東潁州大風拔樹六月壬午郡國十一大

風拔樹是時安帝親諛曲直不分三年京都及郡國三十六大風

拔樹

靈帝建寧二年四月癸巳京都大風雨雹拔郊道樹十一圍已上

百餘枚其後晨迎氣黃郊道於雒水西橋逢暴風雨鹵簿車或發

蓋百官露濡還不至郊使有司行禮迎氣西郊亦壹如此

中平五年六月丙寅大風拔樹

獻帝初平四年六月右扶風大風發屋拔木

魏齊王正始九年十一月大風數十日發屋折樹十二月戊午晦

尤甚動大極東閣嘉平元年正月壬辰朔西北大風發屋折樹木

昏塵蔽天按管輅說以為時刑大風執政之憂也是時曹爽區露

自專驕僭過度此思心不存恒風之罰也後踰旬而爽誅滅

吳孫權太平元年八月朔大風江海涌溢平地水深八尺拔南

陵樹二千株石碑磋商動吳城兩門飛落拔華殿對役繁賦重區

霧不容之罰也明年權薨

孫亮建興元年十二月景申大風震電是魏遣大衆三道來攻

諸葛恪破其東興軍二軍亦退明年恪又攻新城喪衆大半還

伏誅

孫林永安元年十一月甲午風四轉五復蒙霧連日是時孫紘一門五侯權逼吳王風霧之災與漢五侯丁傳同應也十二月丁卯夜有太風發木揚沙明日誅

晉武帝泰始五年五月辛卯朔高平大風折木

咸寧元年五月下邳廣陵大風壞千餘家折樹木其月甲申廣陵司吾下邳大風折木

二年八月河間大風折木

太康二年五月濟南暴風折木傷麥六月高平大風折木發壞即閭四十四區七月上黨又大風傷秋稼

八年六月郡國八大風

九年正月京都風電發屋拔樹後二年宮車晏駕

惠帝元康四年六月大風兩拔樹

五年四月庚寅夜暴風城東渠波浪殺人七月下邳大風壞廬舍九月雁門新興太原上黨災風傷稼明年氏羗反叛大兵西討

九年六月颶風吹賈謐朝服飛數百丈明年謐誅十二月甲子朔京都連大風發屋折木十二月愍懷太子廢幽于許昌

永康元年二月大風拔木三月愍懷被害已卯喪柩發許昌還洛是日又大風雷電幢蓋飛裂四月張華第舍颶風起折木飛繒折

軸六七是月華遇害十一月戊午朔大風從西北來折木飛沙石六日止明年正月趙王倫篡位

永寧元年八月郡國三大風

永興元年正月乙丑西北大風

趙王倫建始元年正月癸酉趙王倫祠太廟災風暴起塵四合其

年四月倫伏辜

元帝永昌元年七月丙寅大風拔木屋瓦皆飛八月暴風壞屋拔御道柳樹百餘株其風縱橫無常若風自八方來者是時王敦專權害尚書令刁協僕射周顛等故風縱橫若非一處也此臣易上政諸侯不朝之罰也十一月宮車晏駕

成帝咸康四年三月壬辰成都大風發屋折木四月李壽襲殺李期自立

康帝建元元年七月庚寅晉陵吳郡災風

穆帝升平元年八月丁未策立皇后何氏是日疾風後桓玄篡位乃降后為零陵縣君不肖之罰也

五年正月戊午朔疾風

海西公永和六年二月大風迅急是年被廢

晉武帝康寧元年三月京都大風火大起是時桓溫入朝志在陵上帝又幼小人懷憂恐斯不睿之徵也

三年三月戊申朔暴風迅起從丑上來須臾送轉從子上來飛沙

揚礫

太元二年二月乙丑朔暴風折木閏三月甲子朔暴風疾雨俱至發屋折木

三年六月長安大風拔符堅宮中樹其後堅再南伐遂有肥水之敗身戮國亡

四年八月乙未暴風揚沙石

十二年正月壬午夜暴風七月甲辰大風折木

十三年十二月己未大風晝晦其後帝崩而諸侯違命權奪於元顯禍成於桓玄是其應也

十七年六月乙未大風折木

安帝元興二年二月夜大風雨大瓶門屋瓦飛落明年桓玄篡位
曰此門入

三年正月桓玄出遊大航南風飄其輶輓上匹計反下五計反蓋經三月而

玄敗歸江陵五月江陵又大風折木是月桓玄敗於崢嶸洲身亦
屠裂十一月丁酉太風江陵多死者

義熙四年十一月辛卯朔西北疾風起

五年閏十一月丁亥大風發屋明年盧循至蔡州

六年五月壬申大風拔北郊樹樹幾百年也并吹琅邪揚州二射

堂倒壞是日盧循大艦漂沒申戌又風發屋折木是冬王師南討

九年正月大風白馬寺浮圖剝初籍注折壞

十年四月己丑朔大風拔木六月辛亥大風拔木七月淮此大風

壞屋舍明年西討司馬休之應

宋文帝元嘉二十九年三月壬午大風拔木

齊武帝永明四年二月丙寅大風吳興徧甚樹葉皆赤

八年六月乙酉都下大風發屋

梁武帝天監六年八月戊戌大風折木京房易飛候曰角日疾風

天下昏不出三月中兵必起是歲魏軍入鍾離

元帝承聖三年十一月癸未帝閉武於南城北風大急普天昏闇

洪範五行傳曰人君瞽亂之應時帝既平侯景公卿咸勸帝反冊

陽帝不從又多猜忌有瞽亂之行故天變應之以風是歲為西魏

滅

陳文帝天嘉六年七月癸未大風起西南吹倒靈臺候樓洪範五

行傳以為大臣專恣之咎時太子冲幼安成王頊專政帝不特抑

文獻卷之三十一
損明年崩皇太子嗣位項遂廢之

宣帝大建十二年六月壬戌大風吹壞臯門中闕十二年九月夜又風發屋拔樹始興王叔陵專恣之應

後主至德中大風吹倒朱雀門

禎明三年六月丁巳大風自西北激濤水入石頭淮是時後主任司馬申誅戮忠諫沈客卿施文慶專行邪僻江總孔範等崇長滯縱杜塞聰明瞽亂之咎

後齊武成帝河清三年大風三旬乃止時帝委政佞臣和士開專恣日甚天統三年五月大風晝晦發屋拔樹明年帝崩

七年三月大風起西北發屋拔木五日乃止時高阿那瓌駱提婆等專恣之應

隋文帝開皇二十年十一月京師大風發屋拔木秦隴壓死者千餘人

仁壽二年西河有胡人乘驛在道忽為颶風所飄并一車上千餘尺乃墜皆碎焉京房易傳曰幾逆同志至德乃潛厥異風後二載

漢王諒在并州潛謀逆亂車及驛騎之象也升空而墜顛殞之應也

唐高宗武德二年十二月壬子大風易巽為風重巽以申命其及物也象人君誥命其鼓動於天地間有時飛沙揚塵怒也發屋拔大者怒甚也其占大臣專恣而氣盛衆逆同志君行象暗施於事則皆傷害故常風又飄風入宮闕一日再三若風聲如雷觸地而起為兵將興

太宗貞觀十四年六月乙酉大風拔木

高宗咸亨四年八月己酉大風落太廟鸚尾

永隆二年七月雍州大風害稼

弘道元年十二月壬午晦宋州大風拔木

中宗嗣聖元年四月丁巳寧州大風拔木

武后垂拱四年十月辛亥大風拔木

永昌二年五月丁亥大風拔木

中宗神龍元年三月乙酉睦州大風拔木崔玄暉封博陵郡王也
大風折其輅蓋

二年六月乙亥滑州大風拔木

景龍元年七月柳州大風發屋拔木八月宋州大風拔木壞屋舍

二年十月辛亥滑州暴風發屋

三年三月辛未曹州大風拔木

玄宗開元二年六月京師大風發屋大木拔者十七八

四年六月辛未京師陝華大風拔木

九年七月丙辰揚州潤州暴風兩發屋拔木

十四年六月戊午大風拔木發屋端門鷓尾盡落端門號令所從
出也

十九年六月乙酉大風拔木

二十二年五月戊子大風拔木

天寶十一載五月甲子東京大風拔木

十三載三月辛酉大風拔木

代宗永泰元年三月辛亥大風拔木

大曆七年五月乙酉大風拔木

十年五月甲寅大風拔木

德宗貞元元年七月庚子大風拔木

六年四月甲申大風雨

八年五月己未暴風發太廟屋瓦毀門闕官署屋舍不可勝紀

十年六月辛未大風拔木

十四年八月癸未廣州大風壞屋覆舟

憲宗元和元年六月丙申大風拔木

三年四月壬申大風毀含元殿欄檻二十七間占為兵起

四年十月壬午天有氣如煙臭如燔皮日昧大風而止

五年三月丙子大風毀崇陵上宮榭殿鳴尾及神門戰竿六壞行垣四十間

八年六月庚寅京師大風雨毀屋飄瓦人多壓死者丙申富平大風拔棗木千餘株

十二年春青州一夕暴風自西北天地晦冥空中有若旌旗狀屋

瓦上如蹂躪聲有日者占之曰不及五年此地富大殺戮

穆宗長慶二年正月己酉大風霾十月夏州大風飛沙為堆高及城堞

三年正月丁巳朔大風昏霾終日

四年六月庚寅大風毀延喜門及景風門

文宗大和八年六月癸未暴風壞長安縣署及經行寺塔

九年四月辛丑大風拔木寓株墮含元殿四鳴尾拔殿庭樹三壞

金吾伏舍廢城門樓觀內外三十餘所光化門西城十數雉壞

開成三年正月戊辰大風拔木

五年四月甲子大風拔木五月壬寅亦如之七月戊寅亦如之

武宗會昌元年三月黔南大風飄瓦

懿宗咸通六年正月絳州大風拔木有十圍者十一月己卯晦潼

關夜中大風山如吼雷河噴石鳴群鳥亂飛重關傾側十二月大風拔木

信宗乾符五年五月丁酉大風拔木

廣明元年四月甲申京師及東都汝州兩處大風拔木

四年六月乙巳太原大風兩拔木千株害稼百里

昭宗光化三年七月乙丑洛州大風發屋拔木

天復二年昇州大風發屋飛大木

後漢隱帝乾祐三年閏五月癸巳京師西北風暴雨至戴婁門外

壞營舍瓦木吹鄭門門扉起十餘步落拔大樹數十震死者六七

人平地水深尺餘其年十一月帝遇害

宋太祖乾德二年五月揚州暴風壞軍營舍僅百區

三年六月揚州暴風壞軍營及成上敵棚

開寶二年三月車駕駐太原城下大風一夕而上

八年十月廣州颶風起一晝夜雨水二丈餘海為之漲飄失舟

九年四月宋州大風壞甲仗庫城樓軍營民舍凡四千五百九十

六區

太宗太平興國二年六月曹州大風壞濟縣解及軍營

四年八月泗州大風浮梁竹竿鐵索斷華表石柱折

六年九月高州大風壞解字民舍五百區

七年八月瓊州颶風壞城門州署民舍殆盡

八年九月太平軍颶風拔木壞解字民舍千八十七區十月雷州

颶風壞廩庫民舍七百區

九年八月白州颶風壞州解民舍

端拱二年京師暴風起東北塵沙曠日人不相辨

淳化二年五月通利軍大風害稼

三年六月丁丑黑風自西北起天地晦暝雷震有頃乃止先是都下大熱疫死者衆及此風至疾疫遂止

至道二年八月潮州颶風壞州解營寨漂刀魚舟

真宗咸平元年八月涪州大風壞城舍

四年八月丙子京師暴風

景德二年六月甲午大風吹沙折木八月福州海上有颶風壞屋舍

三年七月丙寅京師大風

四年三月甲寅夕京師大風黃塵蔽日自大名府歷京畿害桑稼唐州尤甚

大中祥符二年四月乙未大風起京師西北連日不止九月無為

軍城北暴風兩晝晦不可辨技木壞城門營壘民舍壓死千餘人遣內侍張景宣馳驛卹視壞屋者無出來年夏祖厯死者家賜米

一斛無主者官糴之

五年八月京師大風

七年二月戊辰京師大風揚沙礫是日百官習儀恭謝壇有隨仆者

六年六月辛亥京師大風起已位吹沙揚塵

天禧二年正月永州大風發屋拔木數日止

三年五月徐州利國監大風起西南壞舍二百餘區壓死十二人

四年四月乙卯大風起西北飛沙折木晝晦數刻止五月乙卯

大風起西北有聲折木吹黃塵蔽天按占並王陰謀姦邪是秋內

侍周懷政坐妖亂伏誅

仁宗天聖六年二月庚辰大風晝暝

九年十二月辛酉大風三日

景祐元年九月甲寅夜漏上風自丑起有聲擻木鳴條

二年六月戊寅平明風自未來占者以為百殿豐衍之候

康定元年大風晝暝經刻乃復

皇祐四年七月丁巳大風拔太

神宗熙寧四年二月辛巳京東自濮州至河北旁邊大風異常百姓驚恐四月癸亥京師大風霾

六年四月北京館陶縣黑風大作

九年十一月潮州海陽潮陽二縣颶風海潮害民田稼

十年六月恩州武城縣大風壞縣解知縣李愈妻主簿寇宗奭妻之母壓死 七月温州大風雨漂城樓官舍

四年六月邕州颶風壞城樓官私廬舍

七年甲午夜泰州海風

復繼以大雨浸州城壞公私廬舍數千間又通州靜海縣大風雨

毀官私廬舍二千七百六十三楹潤州丹陽縣大風雨溺居民毀

廬舍丹徒縣大風潮飄蕩沿江廬舍損田稼 六月邕州颶風壞

城樓官私廬舍

五年八月朱崖軍颶風毀廬舍

哲宗元祐八年二月未京師風霾大寒是歲福建兩浙海風駕潮

害民田

紹聖元年秋蘇湖秀等州海風害民田

欽宗靖康元年正月望夜大風起西北有聲吹沙走石盡明日乃

止二月戊申大風起東北揚塵暨空三月己巳夜五更大風乍慢

不急聲如叫怒十一月丁亥大風發屋折木閏十一月甲寅大風起北方雪繼作積數尺連夜不停

二年正月己亥天氣昏暄狂風迅發竟日夜西北陰雲中如有火光二丈餘闊數尺時時見庚戌大風雨二月乙酉大風折木晚尤甚三月丁酉風霾己亥大風四月庚申朔大風吹石折木辛酉北風益甚苦寒

高宗建炎元年二月乙酉大風拔木紹興二十八年七月壬戌平江府大風兩駕潮漂溺數百里壞田廬

三十二年七月戊申大風拔木温州大風壞屋覆舟

孝宗隆興元年浙東西郡國風水傷稼

二年八月大風雨飄蕩田廬

乾道二年八月丁亥温州大風雨駕海潮殺人覆舟壞廬舍

五年十月台州大風水壞田廬八年六月丙辰惠州颶風壞海艦三十餘時樞密院調廣東經略司水軍四艦覆其三死者百三十餘人

淳熙三年六月大風連日

四年九月明州大風駕潮壞定海鄞縣海岸七千六百餘丈及田廬軍壘 六月乙巳夜福州福清縣興化軍大風兩壞官舍民居倉庫及海口鎮人多死者

六年十一月鄂州大風覆舟溺人甚衆

七年二月江陵府大風焚溺岸舟死者尤衆

十年八月辛酉雷州颶風大作駕海潮飄溢殺人林木田禾皆折

紹熙二年二月癸酉温州瑞安縣大風仆屋拔木殺人

四年七月興化軍海風害稼

五年七月乙亥行都大風拔木壞舟甚衆紹興府秀州大風駕海潮害稼秋明州颶風駕海潮害稼十月甲戌行都大風拔木

六年夏常風當夏而寒

嘉定二年七月壬辰台州大風雨駕海潮壞屋殺人

三年八月癸酉大風連日大木皆拔折禾穗墮果實上露禱至于丙子乃息後御史朝諸帝陵于紹興府歸奏風壞陵殿宮墻六十餘所折陵木二千餘株

六年十二月餘姚縣風潮壞海堤亘八鄉

七年正月庚辰江州燈夕黑雲暴風暮作郡治游人相踐死于門者二十餘人十一月二日甲寅大風

十六年秋大風拔木害稼

十七年秋福州颶風大作壞田損稼冬鄂州暴風壞戰艦二百餘艘昌軍壞戰艦六十餘江州與國軍亦如之

恒陰

漢昭帝元平元年四月崩亡嗣立昌邑王賀賀即位天陰晝夜不見日月賀欲出光祿大夫夏侯勝當車諫曰天久陰而不雨臣下有謀上者陛下欲何之賀怒縛勝以屬吏師古曰屬委也音之敬反吏白大將

軍霍光時與車騎將軍張安世謀欲廢賀光讓安世以為泄語安世實不泄召問勝勝上洪範五行傳曰皇之不極厥罰常陰時則有下人伐上不敢察察言臣贊曰不敢察察明言之故云臣下有謀光安世讀

之大驚以此益重經術士後數日卒共廢賀此常陰之明效也京房易傳曰有霓蒙霧霧上下合也蒙如塵雲蜺日旁氣也其占曰

后妃有專蜺再重赤而專至衡旱孟康曰專負也若五月再重赤而負至十一月旱也妻不

一順里蜿四背又白蜿雙出日中妻以貴高夫茲謂擅陽蜿四方

日光不陽解而温服虔曰蒙氣解而温內取茲謂禽服虔曰人君內淫於骨

而塞六辰迺除夜星見而赤韋昭曰六辰謂從郊至甲女不變始茲謂棄夫孟

終行此不變也天蜿白在日側黑蜿果之氣正直師古曰果謂干之也妻不順

正茲謂擅陽蜿中窺貫而外專夫妻不嚴茲謂媒韋昭曰媒言媒

先列反蜿與日會婦人擅國茲謂頃師古曰頃讀曰頃蜿白貫日中赤蜿四

背服虔曰適不答茲謂不次不接妻為不答師古曰適讀曰適答

報也言妻有承順之心不見報答也一曰答對也言不以恩意接對之蜿直在左蜿交在右取於不

寧茲謂危嗣蜿抱日兩未及君淫外茲謂亡蜿氣左曰交於外取

不達茲謂不知蜿白奪明而大温温而兩師古曰取讀曰取尊卑不別茲

謂媒蜿三出三已三辰除韋昭曰若從寅至辰兩除則日出且兩臣

私祿及親茲謂用辟韋昭曰辟君也厥異蒙其蒙先大温已

蒙起日不見行善不請於上茲謂作福蒙一日五起五解辟不下

謀臣辟異道茲謂不見上蒙下霧風三變而俱解立嗣子疑茲謂

動欲蒙亦曰不明德不序茲謂不聰蒙曰不明温而民病德不試

空言祿師古曰試用也茲謂主竄臣夫孟康曰謂君情竄用人不以蒙起

而田君樂逸人茲謂放蒙日青黑雲夾日左右前後行過日公不

任職茲謂怙祿蒙不解利邪以食茲謂閉上蒙大起白雲如山行

蔽日公懼不言道茲謂閉下蒙大起日不見若雨不雨至十二日

解而有文雲蔽日祿生於下茲謂誣君蒙微而小雨已乃大雨下

相讓善茲謂盜明蒙黃濁下陳功求於上茲謂不知蒙微而赤風

鳴條解復蒙下專刑茲謂分威蒙而日不得明大臣厥小臣茲謂

蔽蒙微日不明若解不解大風發赤雲起而蔽日衆不惡惡茲謂

閉蒙尊卦用事

孟康曰尊卦乾坤也臣贊曰京房謂方三日而起

日不見漏言亡喜茲謂下厝用

師古曰厝蒙微日無光有雨雲雨

不降廢忠惑候茲謂亡蒙天先清而暴蒙微而日不明有逸氏茲

謂不明蒙濁奪日光公不任職茲謂不絀蒙白三辰止則日青青

而寒寒必雨忠臣進善君不試茲謂過

師古曰蒙先小雨雨已蒙

起微而日不明惑衆在位茲謂覆國蒙微而日不明一温一寒風

揚塵知倭厚之茲謂庫蒙甚而温君臣故弼茲謂悖

師古曰弼猶相成也悖感

者厥災風雨霧風拔木亂五穀已而大霧庶正蔽惡茲謂生孽災

厥異霧此皆陰雲之類云

後漢順帝陽嘉二年郎顛上書云正月以來陰闇連日夕陰不雨

亂氣也得賢不用猶夕陰不雨也

吳孫亮太平三年自八月沉陰不雨四十餘日是時將誅孫綝

謀泄九月戊午綝以兵圍宮廢帝為會稽王此常陰之罰也

孫皓寶鼎元年十二月太史奏夕陰不雨將有陰謀

孫皓驚懼

時陸凱等謀因其謁廟廢之及出留平領兵前駱凱先語平平

不許是以不果皓既肆虐群下多懷異圖終至降亡

隋開皇二十年十月夕陰不雨劉向曰王者失中臣下蔽君明則

雲陰時獨孤后與楊素諧太子勇廢之

唐長安四年自九月霖雨陰晦至于神龍元年正月

貞元二十一年秋連月陰霖

元和十五年正月庚辰至于丙申晝常陰晦微雨雪夜則晴霽占

曰晝霧夜晴臣志得申

咸通十四年七月靈州陰晦

乾符六年秋多雲霧晦冥日且及禺中乃解

乾符六年秋多雲霧晦冥日且及禺中乃解

乾符六年秋多雲霧晦冥日且及禺中乃解

光啓元年秋河東大雲霧明年夏晝陰積六十日

二年十一月淮南陰晦雨雪至明年二月不解

景福二年夏連陰四十餘日霧

長壽元年九月戊戌黃霧四塞霧者百邪之氣為陰冒陽本于地而應于天黃為土土為中宮

神龍二年三月乙巳黃霧四塞

景龍二年八月甲戌黃霧昏濁不雨

三年正月丁卯黃霧四塞十一月甲寅日入後昏霧四塞經二日乃止占曰霧連日不解其國昏亂

開元五年正月戊辰昏霧四塞

天寶十四年冬三月常霧昏暗十步外不見人是謂晝昏占曰有破國

至德二年四月賊將武令珣圍南陽白霧四塞

上元元年閏四月大霧占曰兵起

貞元十年三月乙亥黃霧四塞日無光

咸通九年十一月龍飭圍徐州甲辰大霧昏塞至于丙午

光化四年冬昭宗在東內武德門煙霧四塞門外日色皎然

宋建炎三年六月久陰上謂輔臣曰占為陰盛下有陰謀語在常雨

紹興三年自正月陰晦陽光不舒者四十餘日

八年三月乙卯晝蒙京房易傳曰霧上下合也蒙如塵雲四月積雨方止氛霧四塞晝日無光近常陰也

隆興二年六月沈陰不解者月餘

乾道二年十一月天久晦陰

五年正月甲申晝蒙

六年五月連陰六月日青無光

淳熙六年十一月乙丑晝蒙

十三年正月丁亥亦如之

慶元六年十二月辛卯

嘉定三年正月丙午

十年正月乙未十三年三月壬辰皆晝蒙

夜妖

春秋僖公十五年九月己卯晦震夷伯之廟

師古曰夷伯司空之後本魯公族也

劉向以為晦暝也震雷也夷伯世大夫正晝雷其廟獨冥

天戒若曰勿使大夫世官將專事暝晦明年公子季友卒果

世官師古曰謂季友之孫行父仍執政在季氏至成公十六年六月

甲午晦正晝皆暝陰為陽臣制君也成公不寤其冬季氏殺公子

偃師古曰為季文子所殺也已解於上季氏萌於釐公師古曰萌謂草木始生也言其始有威權大於成

文此其應也董仲舒以為夷伯季氏之季也師古曰季信也陪臣

不當有廟震者雷也晦暝雷擊其廟明當絕去僭差之類也向又

以為此皆所謂夜妖者也劉歆以為春秋及朔言朔及晦言晦人

道所不及則天震之張氏有隱慝故天加誅於其祖夷伯之廟以

謹告之也成公十六年六月甲午晦晉侯及楚子鄭伯戰于鄢陵

皆月晦云

漢高祖二年東伐楚入彭城項羽以精兵擊漢軍大破之圍漢王

三匝大風起揚沙石晝晦軍大亂漢王得與數十騎遁去

魏高貴鄉公正元二年正月戊戌景帝討毋兵儉大風晦暝行者

皆頓伏近夜妖也劉向曰晝晦而暝陰為陽臣制君也

元帝景元三年十月京師大震晝晦此夜妖也劉向春秋說云天
戒若曰勿使大天世官將令專事暝晦公室卑矣魏見此妖晉有
天下之應也

晉武帝泰始三年三月丁未晝昏

懷帝永嘉四年十一月辛卯晝昏至于庚子此夜妖也後年劉曜
寇洛川王師頗為賊所敗帝蒙塵于平陽

孝武帝太元十三年十二月乙未大風晦暝其後帝崩而諸侯違
命于戈內侮權奪於元顯禍成於桓玄

蜀

梁元帝承聖二年十月丁卯大風晝暝天地昏暗近夜妖也京房
易飛候曰羽日風天下昏人大疾不然多寇盜三年為西魏所滅

後主禎明三年正月朔旦雲霧晦暝入鼻酸辛後主昏昧近夜
妖特北軍臨江後主惑佞臣孔範之言而昏闇不能用以至覆亡

東魏武定四年冬大霧六日晝夜不解洪範五行傳曰晝而晦暝
若夜者陰侵陽臣將侵君之象也明年元瑾劉思逸謀殺大將軍
之應

周大象二年尉迥敗於相川坑其黨與數萬人於遊豫園其處每
聞鬼夜哭聲洪範五行傳曰哭者死亡之表近夜妖也鬼而夜哭
者將有死亡之應京房易飛候曰鬼夜哭國將亡明年周氏王公
皆見殺周室亦亡

隋仁壽中仁壽宮及長城之下數聞鬼哭尋而獻后及帝相次而
崩於仁壽宮

大業八年楊玄感作亂於東都尚書樊子蓋坑其黨與長夏門外

前後數萬泊于末年數聞其處鬼哭有呻吟之聲與前占同其後

王世充害越王侗于洛陽

唐大和九年十一月戊辰晝晦

咸通七年九月辛卯朔天闇

乾符二年二月軍武境內黑風雨土

天祐元年閏四月乙未朔大風雨土

後周顯德六年六月辛卯辰巳間京師天地晦暝雨驟降雨中
有腥氣其日世宗崩

宋端拱二年京師暴風起東北塵沙暄日人不能辨

淳化三年六月丁五黑風自西北起天地晦暝雷震有頃乃止

大中祥符二年九月無為軍城比暴風雨晝晦不可辨板木壞城
門營壘民舍

天聖六年二月庚辰大風晝暝

康定元年三月丙子大風晝暝經刻乃復

嘉祐八年十一月丙午大風霾

治平二年二月乙巳大風晝晦

四年正月庚辰朔大風霾是日群臣上尊號延中仗衛皆不能整
時帝不豫越七日崩

熙寧四年四月京師大風霾

靖康二年正月己亥天氣昏暄風迅發竟日丁未霧氣四塞人對
面不相視

建炎元年三月丁酉汴京風霾日無光劉向曰正晝而暝陰為陽

臣制君也是日張邦昌僭位二年七月癸未風雨晝晦是日東京
留守宗澤薨 十一月甲子北京大霧四塞是夕城陷

三年三月 二發温州航海乙丑 御舟次松門海中白露晝晦
近夜妖也

紹興八年三月甲寅晝晦日無光陰霧四塞乙卯晝夜雲氣昧濁
十一年王管成都等路茶事馮康國言三月庚申虜居長安晝晦
面不相睹虜亡之象也

乾道五年正月甲申晝霧四塞

淳熙五年四月丁丑塵霧晝晦日無光

慶元元年二月己卯晝暝四方昏塞

三年二月丁卯晝晦昏霧四塞

嘉定十年正月乙未晝霧 二月癸巳日蒙無光

文獻通考卷之三百六

